


BUSOLOLI

 Nda lumba, Mukwesu Williams. Injuzyo, Mukwesu Salano a mukaintu wakwe, a baiminizi boonse kuno ku pobwe eli sunu masiku. Ncoolwe cipati ncobeni kuba kuno. Nda liku langila kumbele ku oora eli kuzwa notwa katalika nzila eyi.

² Elyo Ndi—Ndi yanda kulumba mulindu oyo, Nda luba zina lyakwe, Billy wazwaa kundambila, kuti wa ndipa bbokesi lya maswiiti aa Krisimasi, elyo wali leta buyo ku mootokala kaindi kasyoonto kainda. I mucizyi, Nda luba zina lyakwe, walo uzwa kuno ku California. Eco nce cipo cangu citaanzi ca Krisimasi. Aboobo Nda—Nda lumba nkambo ka ncico.

³ Lino, sunu masiku ngu...Lino mu Tucson maminiti ali kkumi kuzwa naini, pele Ndi yeeya kuti maminiti buyo ali kkumi kuzwa eiti kuno. Aboobo tu...Ndi baanga njisi kulimvwa aakati ka bantu, Ndi baanga nditola ciindi cilamfu kakutakwe kuwizuka mu kukambauka, aboobo Nda—Nda syoma...[Mbunga yakambilila—Mul.] Nda lumba. Boobu i... bantu bamwi babotu mukati muno. Nda mu lumba.

⁴ Pele Nda—Nda katala aniini buyo kukambauka, kutandila, sunu masiku, Ndali kweenda kapati kuzwa—kuzwa ku Shreveport a koonse ku cisi (kuboola nzila eyi) masiku a masiku, nkabela inga waba aa kuzungaana a niini—a niini, nywebo mulizi, a kutontola, nkabela kameneno kako inga kaangajwi. Nda katalika kubeleka kuya ku Shreveport. Nda kaswekelwa masusu angu cindi ni Nda kali...myaka misyoonto yainda. Elyo Nda kajisi kabeela kaniini nke Nda kali kusama cindi Nda nokambauka mu cisi ca kunyika, kulesya kuba ashini. Nda kanka ku Shreveport elyo ndaka kaluba, elyo Nda kaba akukola. Yalo myuuwo kaiboola koonse mbuli obo, inga tozyi ncobeni buyo. Ca kabwezegwa mucibukilambuta, alimwi lukanda lucili lutete, a kuzwa nkasaalo aniini buyo alimwi Nda ka kujata ncobeni mu kameneno; ndakacita kujala miswaangano minji. Aboobo Nda angidejwi aniini buyo sunu masiku.

⁵ Tu yanda kwaamba kuti twa kajisi ciindi cibotu cakuboola koonse kuno, nekuba, mu miswaangano. Masiku ainda twa kajisi ciindi cibotu kutala mu...a bakwesu, kutala, ku mutabi umwi wa nsangano ya mubusena. Elyo aboobo twa kajisi nkamu ya bantu mpati kubusena a kujanika kwakali kubotu, bantu basibulemu loko a babotu. Aboobo cindipa kulimvwa kabotu ncobeni kuba cibeela ca Bantu Bamulimo wa Makani mabotu Aazwide. Ya kali...

⁶ Ndi jisi Mulumbe, mbo Ndili mvwa, kuzwa kuli Leza. Ula gambya asyoonto ku bantu bamwi. Elyo ta Ndi konzyi kugwasya kuba buyo...Nde elede kuba biyo mbuli mbo Ndi bede. Elyo

tu...Ta ndaambi kuba wandeene, nca kuti biyo Ndi—Ndili mukupona ku ciindi cakucinca. Tuli...

⁷ Kufumbwa kuti uli mukuyaka bwaanda nzila yomwe iilolokede, kuli kabotu koonse, i—i bayaki inga baunka nkoonya aansu ku muncali. Pele cindi noyeelede kunyona kkona, awo mpempawo ciindi...Elyo tatuli mukuyaka bwaanda; tu yaka ng'anda, nywebo mwabona, aboobo manyoneno aya eeleda kuboola. Aka boola mu bukkalo bwa Martin Luther, John Wesley, a bukkalo bwa Pentekoste; kuli aano lino. Aboobo tu...nciyumu kunyona makkona. Pele Ndi lumbide kapati ku...kuli Leza, nekubakuti cali ciyumu, bantu bakatondezya kuzwidilizya cakumaninina. Aboobo tuli lumbide kapati, kulumba kuli umwi aumwi wanu.

Elyo lino katutana jula Bbuku, a twambaule kuli Mukamwini, ikuti mwacita, kaindi biyo kasyoonto, kuciindi notu kotamika mitwe yesu:

⁸ Oyandwa Leza, tuli lumbide kuli Nduwe sunu masiku kuba a coolwe ca kuziba Jesu Kristo (Mufutuli wesu) Mwana Wako, kutulekelela zibi zyesu cabuyo, a kuziba kuti Bulowa Bwakwe bula kkwanisya kuvumba zibi zyesu a milandu yesu. Zya kazimaazigwa maningi a kusowelwa mu lwizi lwa Leza ilwakuluba alimwi Nabwiinga Wakwe uyo ima ku Cilalilo ca Mucado, kanjoloma, kasalala, ku kwatwa ku Mwana wa Leza. Obo mbo tu Ku lumba nkaambo kaku kkwanisya oku koonse a lusyomo kuziba kuti ta tusyomi mu bweelelo bwesu bwini pele mu bweelelo Bwakwe bulikke, nkambo ka ceeco Nca katucitila. Tuli lumbide maningi.

⁹ Nda Ku lumba nkambo i—i kuzwidilila oko bakwesu abo nkoba kajisi ku masena aalandukwa lwizi a masi kutala kuya nko bali mukufwa nzala a nyota ya Leza. Nda komba, Mwami, ikuti na bakajoke, cakuti abo bana mbo baaleta mu Bwami bayooba banene a basyanene bapati iba bana abo mbo banjizya abalo. Ko cipa, Taata.

¹⁰ Tuleleke toonse antoomwe, sunu masiku, alimwi akube Muuya Uusalala utupe zintu nzyo tu bulide. Kojala milomo yesu ku zintu nzyo tuteelede kwaamba, a kujula myoyo yesu kutambula eco Yebo nconga wa twaambila. Ko cipa, Taata. Mu Zina lya Jesu twa lomba. Ameni.

¹¹ Lino atujule mu Bbaibbele ku kabalo kasyoonto ako ke Ndi yanda kukanana kwa kaindi kasyoonto sunu masiku, alimwi kajanwa muya mu Musalali Marko, capita 10.

¹² Elyo Nda kajisi...Myaka misyoonto yainda ne Nda kali kunga ndakanana, Nda kali kunga—Tii ndakali kunga akwalo ndalemba bulembo, Nda kali kukonzya kuciyeeya. Alimwi tii Nda kali kusama ma gilazi kuti ndicibale kuzwa mu Bbaibbele. Pele mbo kunga Nda inda lino makumi obile ayosanwe, cabili, elyo cibaanga nciyumu asyoonto kuli ndime ku—ku cita mbuli

mbo Nda kali kucita. Elyo cili mbuli mootokala wazakala, pele Ndi cizuza. Uh-huh, Ndi yanda kuzumanana kuya bugwenauka kusikila ci . . . Nda unka ku cilwi ca zisengele kuyo bambululwa. Eco nce cisyomezyo.

¹³ Musalali Luka, capita 10, a kotalika ku . . . Nda syoma Nda amba kampango a 21, ikuti na inga Nda ijana awa aa busena bumwi. Nda lubila, ngu Musalali Marko. Amundi jatile.

¹⁴ Musalali Marko, capita 10, a i—i makumi obile- . . . kotalikila aka kampango ka 21, Ndi yanda kubala. Atu bweze kampango ka 17, mubwini:

Elyo cindi na kali kweenda mu nzila, mpaawo kwaka muzuzaanina umwi, a kufugama aansu kuli nguwe, a kumu buzya, kwaamba, Mufundisi Mubotu, ino Nka cite buti kuti Nka kone buumi butamani?

Elyo Jesu waka mwaambila, Ino undaambilila nzi kuti mubotu? taakwe mubotu cita omwe, nkabela walo ngu, Leza.

Yebo ulizi milazyo, Uta citi bumambi, Uta jayi, Uta bbi, Uta pi kaambo cakubeja, Uta lidi naba omwe, Kolemeka uso a banyoko.

Elyo waka vuwa a ku mwaambila, Mufundisi, yoonse eyi Nda kaibamba kuzwa kubwana bwangu.

Mpawo wakati. . . Mpawo Jesu amuzilikizye buyo waka muyanda, a ku mwaambila kuti, Alo mpcocili comwe nco tajisi: koya mu lweendo lwako, elyo ukasambale kufumbwa zintu nzo jisi, nkabela, ukape bacete, elyo uyooba aa lubono ku julu: elyo uboole, elyo ubweze ciingano cako, elyo undi tobele.

Elyo wa kausa ku kwaamba oko, elyo wa kazwa kasutene: nkambo wa kajisi imbono zinji.

Elyo akube kuti Mwami alongezye kubala kwa Ijwi Lyakwe.

¹⁵ Lino, tuyo kanana sunu masiku aa ciiyo. Ndi yanda kabalo kangu kabe “Ko Ndi tobela,” alimwi ciiyo cangu: *Busololi*.

¹⁶ Lino nceenzu, pele Ndi yeeya kuti ndiza, sunu mu kukomba . . . Elyo Nda katola ciindi cilamfu, elyo busiku abusiku mpoonya ansi aa nzila ya Mulumbe oyo ngo Ndi jisi, oyo Mwami ngwaka ndipa ku kanana. Nda yeeya sunu masiku, kuya mu capita eyi impya, inga Nda cilanganya ku bulange bumbi. Elyo ziindi zinji twa kaambaula ali eci, kaciita kuti, “I Mweendelezi Mukubusyi Uuvubide.” Elyo—elyo bunji bwa bakambausi kuno, bakwesu bangu, kwiina akuzumbauzya baka cilanganya mu nzila zinji yandeene. Elyo Ndi yanda kusola ku cilanganya mu i—i nzila yandeene sunu masiku kunze lya mbo Nda kacijisi, eyi nja *Busololi*.

¹⁷ Eci, amuyeeye eci, kuti umwi aumwi wesu, bakubusyi a bapati, ntaamo yako ntaanzi eyo njo kasola kubamba mu buumi bwako, muntuumwi wakacita ku kusololela. Mbo mbubo. Elyo ntaamo yako ya mamanino njosola kubamba, muntuumwi uno kusololela. Muntuumwi weelede kusololela.

¹⁸ Leza waka tukozyanisya mbuli mbelele. Elyo ikuti na umwi ulizi makani aa kukomezegwa mbelele a bupange bwa mbelele, baa, ulizi kuti mbelele taikonzyi kujana nzila yayo koonse. Ye elede kusololelwa. Nekuba mu zimpati zyakujailwa, tu jana kuti bala leta mbelele kuya alimwi ilasololelwa kuya mu cijailo kwiinda ku mpongo. I mpongo ilaisololela, mpoonya cindi yasika kumamanino aa kando ilasotokela anze, elyo mbelele ilazumanana kwiinka moonya mu cijailo. Aboobo balo. . . Tu jana kuti mbelele taikonzyi kujana nzila yayo koonse.

¹⁹ Nda yeeya luzibo ndo Nda kajisi aimwi, ciindi cimwi. Nda kali sikulanga banyama wa cooko ica Indiana, alimwi Nda kali kubusena mu mulimo; elyo Nda kamvwa cintucimwi, kulila kweetezya kapati. Elyo wa kali i—i mwanaambelele muniini, waka—waka sweekelwa banyina. Elyo ta kakonzya kujana nzila yakwe kuya kuli nguwe, banyina tiiba kakonzya kujana nzila yabo kuya ku—ku mwanaambelele muniini. Nda kanyamuna cintu ciniini, a nzila mbo cakaumuna kuyaama kuli ndime. Nda kazwidiliza kuunka kuya, maanza angu kaajatilide cintu ciniini. Elyo akulila, elyo—elyo Nda kamumvwa. Obo mbwa kakumbakumba mutwe wakwe aansu kuyaama ndime alimwi cakaboneka mbuli kuti wa kalizi eco nce Nda—Nda—Nda kali kuyo mugwasya.

²⁰ Nda kayeeya, “O Mwaala wa Makkalo, mpangala yangu, ndibweze mu maboko aa Mwami Jesu, ca kukkutula biyo mbuli mbo Ndi zyi kuti Ndi—Ndi inka ku Muunzi kuyooba a bayandwa bangu.” Nda kayeeya, “Ku mamanino aa lweendo lwa buumi bwangu, ko ndileta biyo mu maboko Aako, Mwami, mbuli obo. Kutu Ndi zibe kuteeti Ndiyo bwezegwa kulanduka mulonga mpawo, kuya ku lubazu lumbi oko kutakabi kuusa a malwazi, a zintu, elyo Ndiyo oba a bayandwa abo mbo Nda kayanda.”

²¹ Elyo ikuti muka langelange bulenge, kuli cintu cipati mu bulenge. Zintu zyoonse nze Nda—nze Nda langa, a Leza nzya kabamba, Ngu Mukamwini wa bulenge. Bulenge bula beleka mu buzumanane. Bulenge boonse bula beleka mu bukozyenye. Nywebo mwabona, zintu zyoonse. . . Mbuli mbo Nda kaamba, Nda syoma mangolezya akainda, kuti “Bulenge bulungulula zya Leza.” Ikuti no mwatali kujisi Bbaibbele, inga nomwa kacili kulangilila bulenge a kuziba kuti Bbaibbele Mbwini.

²² Nda—Nda kajisi coolwe cakuba koonse a koonse nyika. Elyo Nda kabala bube abumwi bwandeene, alimwi Nda bona bukombi bwandeene; bana Muhammedi, alimwi Nda bala Korani, a—a kubona ba Sikh, ba Jaini, aba Muhammedi, aba

Buddhisti, a bamwi bambi. Pele nekuba, bamwi abamwi babo, bajisi lwiiyo lwa mbaakani zya bulenge bwa luzibo a i—i—i—i bbuku lya tunsiyansiya a bbuku lya milao, a zimwi zimbi. Pele Bbaibbele lyesu Mbwini, alimwi Leza wesu ngo Umwi alikke oyo uululeme; nkaambo umwi aumwi wabo weelede kutondeka ku cuumbwe kubusena bumwi oko sikutalisya wabo nkwa cilede, pele Bunakristo butondeka ku cuuumbwe cijukide a kukonzya kupona mu Busyu bwa Umwi oyo wakabikkwa mukati muya. Ula pona! Tali Leza oyo *wakaliko*, Ngu Leza oyo *uuliko*. Kutali kuti “*Nda kaliko*” na “*Ndiyo obako*,” pele “NDIME.”

²³ Elyo bulenge boonse bula beleka mu buzumanane, mbuli mbo Nda kaamba, kwaambaula zya Makkalo aa Mbungano (alo tuli jisi mabbuku lino ayo ali mukuzwa). I. . . Nkambonzi nce Nda. . . amakani aa bulembo bwangu bwa Makkalo aa Mbungano. Elyo obo mbo tubona Mbungano, obo Mboi yabusima, kulibonya mbubonya buyo mbuli bulenge boonse mbobucita.

²⁴ Elyo twakali kwaambaula buzuba bumwi kujatikizya zuba mbolizwa cifumo, lili mbuli muvwanda muniini, uukompeme maningi, kwiina nguzu zinji kuli nguwe nokuceya. Elyo mbuli buzuba mbobuya akuya, ulaba a nguzu maningi, nguzu maningi. Kutandila eiti okuloko ulanjila cikolo, mbuli mulombe muniini na musimbi muniini. Elyo mpawo kutandila ileveni okuloko wazwa ku cikolo, nkabela walibambila ku mulimo wakwe—wakwe. Elyo mpawo kukosola kutandila thrii okuloko ula cinca, mu buumi bwaakati kunjila ciimo cakukomena. Elyo mpawo wafwa isikati. Sa aya mamanino aa zuba? Peepe. Lila joka cifumo citobela, kuti lilungulule kuteeti kuli buumi, i lufu, i kuzikkwa, a bubuke. Mwabona? Mwabona?

²⁵ Tula bona masamu, obo mbwa enda a ceeco ncacita. Nda kali ku musanza mu Kentucky ciindicimwi cainda, Nda—Nda botelwa kuvwima basikaale, elyo Nda kainka ku musanza mu ciindi ca butololo ca mwaka kuya kuvwima basikaale a mweenzuma wangu. Elyo cili. . . kwakali kuyumu kapati.

²⁶ Elyo muntu onse wakasola kuvwima basikaale basiyasiya, ulizi obo mbocili ciyumu kuyubilila kubajata. Cindi, i—i matu, kuzapula biyo lyomwe, alimwi, oh, Houdini ngu simulimo uulwapula uuciiya ku—ku tunyama oto, nzila mbo zikonzya kuzwa! Elyo mpawo kusola kudubula aaboneka kabotu ku mayaaadi aali makumi osanwe, citola muvwimi mubotu kujana mpoyiila mu buzuba.

²⁷ Aboobo, Ba. Wood, mweenzuma wangu, i—i sikusanduka wa Bakamboni ba Jehova, wakali a ndime. Elyo twa. . . Wa kati, “Ndi lizi mpulasi kuno oko kuli mwaalumi ujisi zinji zya. . .” Tu baita kuti kuya, “basimahuwi.”

28 Bali bongaye bazi kuti *basimahuuwi* ncinzi? Ee, ncibeela nzi ca Kentucky nko muzwa, akwalo? Mwabona? Elyo oko nkwe Ndi zwa mebo.

29 Mbuli awa muli umwi mutabi wa nsangano ya mubusena, kutali ciindi cilamfu cainda; Nde elede kwaambila Mukwesu Williams eci a bamwi, bakwesu. Ba kaamba, “Tuyo ima lino a kwiimba lwiimbo—lwiimbo lwa cisi.”

30 Elyo Nda kati, “*Nkambo ka munzi wangu wa Kentucky wakaindi.*” Aboobo kwiina waka ndisangana, aboobo. . . Olo lwakali lwiimbo lulikke Ndwe kazi. Elyo aboobo twa kali—twa kali lino. . .

31 Mbo mbubo, munene. [Mukwesu Branham wapegwa kagwalo—Mul.]: “Walombwa kuba a mupailo, wa mulindu mukati kuno lino ulimu kuzwa bulowa mu mpemo.”

Atu kombe:

32 Oyandwa Leza, Nda Ku lomba, Mwami, Yebo nduwe i—i Sikuponya mupati nkabela Nda lomba kuti luzyalo a luse Lwako luyo guma mwanakazi oyu uuyandwa ndyoonya lino a kulesya bulowa obo. Mbuli bantu basyoma abo babungene antoomwe, mulindu waboola kuno kuzobotelwa Ijwi lya Mwami a luswaanano lwa bantu, elyo Nda Ku lomba, Mwami, ndyoonya lino, kutapatila mulwani a kulesya bulowa. Mu Zina lya Jesu Kristo. Amen. (Elyo tula cisyoma, tula cisyoma.)

33 Kuzumanana a kaano kaniini kubaanga biyo nku jana kulimvwa katutana sika ncobeni aansu ku bulembo busyoonto mbo Ndi lembede awa, a Lugwalo lumwi.

34 Lino wa kati, “Ee, oyu mudaala, tuyo unka kuya a ku mubona. Uli jisi basimahuuwi banji mu busena bwakwe,” wa kati, “pele muhedeni.” Wa kati, “Ikuti. . . Uyo tandila biyo kutusinganya ikuti na twa unka kuya.”

35 Nda kati, “Pele tatuli basikujana basikaale kuno pe. Twa kali kuwila kwa mvwiki zyobile.” Elyo twakali a tombe, a malezu kulampa ku busyu boonse.

36 Elyo wa kati, “Ee?”

Nda kati, “A tweende kuya.”

37 Aboobo twa keenda ma maile masyonto kunseselelo, kutandila mamaile ali makumi obile. Nda kali mu cisi ku musanza ciindi cimwi, kwa masiku otatwe, ku Methodist kubusena bwa zilabba oko kwakali zintu zipati Mwami nzya kacita, a kuswangana kwa kuponesegwa kupati aakati ka bantu ba Methodist. Elyo mpawo twa kainka kulaale kuya ku malundu a basimavuuwi a magolonkolo. Elyo mweelede biyo kuziba Kentucky ku ciziba, na musyobo nzi wa busena mbo elede kunjila. Elyo kuciindi ni twa kajoka mpaawo twa kasika ku ng’anda, elyo mpaawo kwa kakkede mudaala, bamadaala bobile, bakali kkedede awa a ngowani zyabo kazilembwetene ku masyu abo, elyo—elyo wa

kati, “Ngooyo we,” wa kati, “ngu umwi mukali.” Kati, “Ula sulaika ibbala lya ‘mukambausi,’” wa kaamba.

³⁸ Aboobo Nda kati, “Ee, ncibotu Nda kkala buyo mu mootokala, kwataba obo ta tukounka ku kuvwima nokuceya.” Nda kati, “Amu njile a ku mubuzya na inga twa vwima.”

³⁹ Aboobo wa kazwa a kutalika kunjila, wa kaambaula kuli mbabo. Elyo mu Kentucky, lyoonse, nywebo mulizi, ngu “kamu njila,” a zimwi zimbi. Elyo aboobo wa kainka kutala kuya a kwaamba, “Ndila buzya na inga twa vwima kwa kaindi kaniini mu busena bwako.”

⁴⁰ I mudaala kakkede awo, kutandila myaka iili makumi ali ciloba ayosanwe yakukomena, tombwe kaumbulumuka ku mulomo wakwe, wa kati. . . kaswida, elyo wa kati, “Nduweni zina lyako?”

Wa kati, “I zina lyangu ngu Wood.”

Wa kati, “Sena uli aluswaanano luli loonse ku mudaala Jim oyo wa kali kukkala. . .”

Wa kati, “Inzya, Ndi mulombe wa Jim.” Kati, “Ndime Banks. Iiyi.”

⁴¹ “Ee,” wa kati, “mudaala Jim wakali mwaalumi uusyomeka.” Kati, “Masimpe, koli gwasya.” Wa kati—kati, “Sena uli olikke?”

Wa kati, “Peepe, mweembezi wangu nkwali kuya.”

Wa kati, “Iinzi?”

Wa kati, “Mweembezi wangu nkwali kuya mu mootokala,” kati, “ula vwima a ndime.”

⁴² Wa kati, “Wood, sena uundaambila kuti wakaubauka loko kusikila weelede kubwezelezya mukambausi kufumbwa busena nkounka?”

⁴³ Aboobo mukali, nkalakata yakaindi, aboobo Nda kayeeya kuti ncibotu Nda zwa mu mootokala, nywebo mulizi. Aboobo Nda kazwa a kweenda koonse, nkabela wa kati, “Ee, elyo sa uli mukambausi, huh?”

⁴⁴ Nda kati, “Iiyi, munene.” Wa kandilanga koonse akoonse; bulowa bwa sikaale, a tombe. Wa kati—wa kati. . . Nda kati, “To langiki maningi mbuli nguwe.”

⁴⁵ Wa kati, “Ee, Ndi baanga nguwe.” Wa kati, “Yebo ulizi, Ndi yanda ku kwaambila cintu cimwi.” Wa kati, “Ndi yeeyelwa kuba muhedeni!”

⁴⁶ Nda kati, “Iiyi, munene, Nda kamvwa obo.” Nda kati, “Ndi syoma kunji kuti tacili cakuli dundaizya, nekuba. Embo na?”

⁴⁷ Elyo wa kati, “Ee,” wa kati, “Ta ndi zyi.” Wa kati, “Ndiyo kwaambila eco nci Ndi yeeyela ndinywe no balombwana.”

Nda kati, “Cili kabotu.”

48 Wa kati, “Mukuwa cisamu citali ncico.” Elyo bali bongaye bazi eco nco caamba? Mwabona? Caamba kuti mubwa uubeja, nywebo mwabona; silukobo tako kuya pe, mwabona. Wa kati, “Nywebo mukuwa cisamu citali ncico.”

Nda kati, “Oko nku muzeezo.”

49 Elyo wa kati, “Ee,” wa kati, “langa, wa cibona eco cizwido cabusi cakaindi ciimvwi kutala kuya?”

“Iyi.”

50 “Nda kazyalilwa kutala kuya, myaka iili makumi aali ciloba ayosanwe yakainda.” Elyo kati, “Nda pona nkoonya kuno mu malundu aya, muzimpatikwa zyoonse, kwiinda mu myaka eyi yoonse.” Elyo kati, “Nda kalanga ku milengalenga, Nda kalanga kuno a kokuya, a, masimpe, muli yoonse eyi myaka iili makumi aali ciloba ayosanwe, kwalo ni Nda kabona cintu cimwi eco cakali kuboneka mbuli Leza. Sa to yeeyi boobo?”

51 Nda kati, “Ee, citola kuli eco ncoli mukulanga, mwabona, na eco nco yandaula.”

52 Elyo wa kati, “Ee,” wa kati, “Ta—Ta ndisyomi ncobeni kuti kuli cilenge cili boobo. Elyo Ndi syoma kuti nywebo no balombwana muunka biyo ku masena a kubbida bantu mali abo a zintu zimwi. Eyo nje nzila mbo ceenda.”

53 Nda kati, “Ee, uli sicisi muna America, uli jisi nguzu zya kuyeeya kwako kwini—kwini.”

54 Wa kati, “Kuli mulombwana omwe, ciindi cimwi, oyo ngo Nda kamvwa,” wa kati, “oyo Ngo ndinga ndaba masimpe. . . Ikuti wa . . . Ikuti Ndasola kubandika a mulombwana oyo,” kati “Ndi yanda ku—ku mu buzya mibuzyo misyoonto.”

Nda kati, “Iyi, munene.”

55 Wa kati, “Wa kali mukambausi, antela uli muzyi.” Kati, “Wa kajisi muswaangano kutala kuno mu Campbellsville, kutali ciindi cilamfu cainda, mu lubuwa lwa mbungano kutala kuya, bbuwa lya zilabba.” Elyo wa kati, “Nda luba zina lyakwe.” Kati, “Walo uzwa ku Indiana.”

Elyo—elyo Nda kati, “Oh? Iyi, munene.”

56 Elyo Mukwesu Wood wakatalika kwaamba, “Ee, Ndi. . .” (“Uta ambi eco.”) Elyo mpawo wa kati. . .

Nda kati, “Ino kujatikizya nguwe?”

57 Wa kati, “Ee,” wa kati, “mulindu wakale. . .” (muntuumwi) “kutala kuya mu cilundu. . .” Kati, “Yebo ulizi, wa kali kuya bufwa ku kkulenge.” Elyo wa kati, “Mukaintu wangu a Ndime twakali kuunka kutala kuya cifumo ku—ku cinca bulo bwakwe.” Kati, “Tiiba kakonzya akwalo kumunyamuna aatala maningi ku mubikka aa kuligwasizya,” kati, “bakwela buyo isila lyakuvumbya.” Elyo kati, “Waa kali kuya bufwa. Waa kali ku

Louisville, elyo madokotela baka mulangameso buyo a kwaamba kuti waa kali 'kuyo fwa.'

⁵⁸ “Elyo mucizi wakwe wakainka kutala ku muswaangano uulya, a kwaamba, ‘Oyo mukambausi wali kwiimvwi awo aa cibumbili, wakacebukila ku baswiilizi a kwiita mwanakazi oyu ku zina lyakwe, a ku mwaambila, “Cindi na kazwa, waa katola katambala a ku kabikka mu peesi yakwe—yakwe.” Elyo wakaita zina lya mwanakazi ansi awa, mamaile aali makumi ali obile kuni awo, a kwaamba mbuli mbwakali kuciswa kkulenge, zina lyakwe mbo lya kabede, a moonse mwa kainda; kati, “Bweza katambala a kuyo kabikka aa mwanakazi,” a kwaamba kuti, “mwanakazi uyo ponesegeka ku kkulenge lyakwe.””

⁵⁹ Elyo kati, “Ba kaboola kunselelo kuno masiku ayo.” Kati, “Kasimpe, Nda kamvwa kukwiila kubyaabi maningi atala awo. Nda kayeeya kuti baka jisi ba Saluvesioni Armi ba kaangululwa aatala lya cilundu kutala kuya. Kati, ‘Ee,’ Nda kati, ‘Nda yeeyela kuti mucizi wakale wafwa.’ Kati, ‘Tuyo. . . Juunza tuyo unka a kubweza ng’ola, a nzila mbo tunga twa mugwisya mu mugwagwa mupati,’ a kwaamba, ‘kutegwa bakonzye ku mutola kuli sikubamba mitunta yakuyo zikka.’ Elyo wakati eco. . . Twa kalindila. Takucikwe kaambo ka kuunkila kutala kuya ciindi eco ca masiku.” Kati, “Kutandila maile kutala lya cilundu kuno.” Kati, “Twa kaunka kutala kuya cifumo caka tobela, elyo ulizi eco caka citika?”

Nda kati, “Peepe, munene.”

⁶⁰ Wa kati, “Waa kali kkede awo kalya mapaa amapele aakangidwe, a kunywa kkofi, a mulumi wakwe.”

Nda kati, “Wa amba eco na?”

Wa kati, “Iyi, munene.”

“Oh!” Nda kati. “Lino, mudaala, ncobeni to pandululi eco.”

⁶¹ Wa kati, “Candisyupa neaku. . . mbobuti muntu oyo, alimwi takalina sika mucisi eci, nkabela wakaziba eco.” Mwabona?

Elyo Nda kati, “Oh, to syomi eco na.”

Wa kati, “Bwalo mbwini.”

Nda kati, “Ula syoma eco na?” Wabona?

⁶² Wa—wa kati, “Ee, koya nkoonya kutala kuya aa cilundu, inga Nda citondezya kuli nduwe.” Walo uloolola kukambaukila ndime lino, nywebo mwabona.

⁶³ Aboobo Nda—Nda kati, “Um-um.” Nda kabweza apele, elyo—elyo Nda kati, “Sena inga Nda bweza limwi lya mapele aya?” Elyo Nda kalikumba ku zisani zyangu.

⁶⁴ Wa kati, “Ee, I manko ali mukwaalya, Ndi yeeya kuti inga wabweza lyomwe.” Elyo mpoonya. . . Elyo lino Nda kati, “Ee, . . .” Nda—Nda kalya. . . aniini kuli ndilyo, elyo Nda kati, “Eelyo apele ndi bbotu.”

65 Wa kati, “Oh, iiyi.” Kati, “Ulizi cintu na? Nda kasyanga cisamu eco kuya, oh, myaka iili makumi one yakainda, na cintucimwi mbuli eco.”

Nda kati, “Oh, sa mbo mbubo?”

“Iiyi, munene.”

66 Elyo Nda kati, “Ee, alimwi myaka yoonse . . .” Nda kati, “Nda bona kuti tatuna kuba a caanda, nku matalikilo a Ivwivwi.” Elyo Nda kati, “Alo matu ali mukuwa kuzwa ku cisamu.”

67 “Iiyi, munene. Mbo mbubo, cila boola kuciindi ca butololo. Nkaambo tu yooba acifwambaana cimwi ciindi eci.”

68 Nda kati, “Iiyi, munene.” Kacinca ciiyo, mwabona. Elyo wa kati . . . Nda kati, “Ee, yebo ulizi, calo nceenzu,” Nda kati, “obo musinza mbouzwa ku cisamu eco.” Nda kati, “Elyo alo matu alaloka ansi, elyo kakuli taakwe . . . kwiina no baka—baka jisi caanda cakujaya itu.”

69 Elyo wa kamba, “Ee,” wa kati, “ino eco cili a cakucita nzi a ceeco nco tulimu kwaambaula?”

70 Elyo Nda kati, “Ee, Ndi—Ndi gambwa buyo.” (Nywebo mulizi, baama lyoonse bakali kwaamba, “Kopa ng’ombe lutambo lulamfu elyo iyo lyangilila ini, nywebo mulizi.” Aboobo Nda kamupa biyo lutambo lulamfu.)

71 Aboobo wa kazwa, alimwi wa kati, “Ee, iiyi, ino eco cila cakucita nzi a ncico?”

72 Nda kati, “Nywebo mulizi, Leza ulakomezya ma apele, nkabela ula botelwa ma apele a matu, alimwi ula kkala mu—mu cimvule a zimwi zintu. Walo ulainka aansu mu ciindi ca butololo bwa mwaka elyo,” Nda kati, “ula joka kuya aatala a ma apele a matu alubo.”

73 Elyo wa kati, “Oh, obo mbulenge biyo. Mwabona, obo mbulenge biyo.”

74 Nda kati, “Ee, mubwini, obo mbulenge.” Nda kati, “Obo mbulenge, pele Muntuumwi weede kweendelezya bulenge.” Mwabona, Nda . . . wa kati . . . “Ko ndaambila lino ncinzi cicitu eco?”

75 Elyo wa kati, “Ee, calo nca—nca bulenge buyo mbuli lyonse.”

76 Nda kati, “Nguni oyo waambila itu eelyo lisoonto lino, a i . . . ?” Nda kati, “Lino, ikaambo itu eelyo nco liloka, ngu nkaambo kakuti musinza wiinka ansi ku muyanda. Elyo ino kuti musinza oyo wakkalilila mu musamu musika kuciindi ca mapeyo? Ncinzi cinga cacitika?”

77 Kati, “Inga wajaya musamu.”

78 “Ee,” Nda kati, “lino, mbusongo nzi obo bweendelezya musinza oyo kuyaansi ku miyanda, kwaamba, ‘Kozwa awa lino,

caboola ciindi ca butololo bwa mwaka, koya ansi mu miyanda a ku yuba? Elyo ulakkalila aansi mu miyanda mbuli cuumbwe; elyo mpoonya ciindi citobela cabutololo wajoka atala, wazyala ma apele, a kuzyala matu aambi manji a zintu.”

⁷⁹ Wa kati, “Obo mbulenge biyo, buyo cicita.” Kati, “Ibube bwaciindi! I ku cinca, nywebo mulizi, kuboola kwa butololo.”

⁸⁰ Nda kati, “Bika cigomo ca meenda aa cikunguzyo awo, a kubona ikuti na bulenge buyoatola aansi ku tako lya cikunguzyo a kwaleta aatala alubo. Mwabona?” Mwabona?

“Ee,” wa kati, “inga kono jisi cintucimwi.”

Nda kati, “Kociyeeya kuciindi no tuunka kuyovwima.”

Elyo wa kati, “Ee,” alimwi wa kati, “amu vwime nkomu yanda.”

⁸¹ Elyo Nda kati, “Cindi Nda joka, ikuti undaambile na mbusongo nzi bweendelezya musinza oyo kuzwa kungsi kwa kwa musamu oyo kuyaansi mu miyanda, kukkalilila mu mapeyo oonse a kujoka mapeyo atobela, Ndiyo kwaambila Busongo mbubonya bwa kandaambila kujatikizya mwanakazi oyo kutala kuya.”

Kati, “Kakwaambila na?”

Nda kati, “Iiyi, munene.”

Wa kati, “Yebo toli mukambausi ulya!”

Nda kati, “Sa inga waziba zina lyakwe?”

Kati, “Iiyi.”

Nda kati, “Branham?”

Wa kati, “Ngo nguwe.”

Nda kati, “Mbo—mbo mbubo.” Mwabona?

⁸² Elyo nywebo mulizi cintu na? Nda kasololela mudaala kuli Kristo, mponya awo aa bumboni bwakwe mwini.

⁸³ Elyo mwaka nowamana Nda kali ku musanza kuya nkabela ndakakwela mootokala (laisensi ya Indiana aali njiyo) mu lubuwa. Bakali zwide, wa kalifwide. Elyo mpoonya cindi ni Nda kajoka, mpaawo kwa imvwi mukaintu wakwe kuti andikwalaule koonse; Nda kayeeya Nda kajana kuzumizigwa kuvwima. Elyo waa kaboola kubusena kuya, waa kati, “Sena tokonzyi kubala?”

⁸⁴ Nda kati, “Iiyi, baama.”

Waa kati, “Sena wabona zikwankwani ezyo zyaamba kuti ‘Kwiina Kuvwima!’?”

⁸⁵ Nda kati, “Iiyi, baama, pele,” Nda kati, “Ndi—Ndi jisi kuzumizigwa.”

⁸⁶ “To jisi kuzumizigwa!” waa kati. Elyo waa kati, “Tuli jisi busena—busena obu bwakazibisigwa kwa myaka minji.”

⁸⁷ Nda kati, “Ee, mucizi, Nda—Nda lubila ani, Kondi jatila.”

88 Elyo wa kati, “Taakwe akujatila! Alo ma laisensi aa Indiana kaaliko awo, a kubikkwa atala kuno, muli bantu bali a cambia maningi!”

Nda kati, “Sa inga Nda cipandulula biyo?” Nda kati . . .

Waa, “Nguni wamupa kuzumizigwa?”

89 Nda kati, “Ta ndizyi biyo . . .” Nda kati, “Wa kali mwaalumi wacipati waka kkede a busena awo mu kkota, cindi ni Nda kali kumusanza kuno mwaka wainda, nkabela twa kali kwaambaula makani a Leza.” Mwabona?

Elyo waa kalanga, waa kati, “Sena nduwe Mukwesu Branham?”

Elyo Nda kati, “Iyi, baama.”

90 Waa kati, “Kondi lekelele. Tii ndakuzi kuti nduwe ni.” Waa kati, “Ndi yanda ku kwaambila bumboni bwakwe. Maora akufwa kwakwe aa mamanino, waka nyamuna maanza akwe a kulumbaizya Leza.” Kati, “Wa kafwa mu lusyomo lwa Bunakristo, nkabela wakabwezegwa kuya kuli Leza.” Mwabona?

91 “Ikuti na baumuna, mabwe ayo ompolola mpoonya buyo.” Kuli cintucimwi mu bulenge.

92 Amubone bayuni, amubone banyama, amubone zintu zyoonse, alimwi amubone bulenge.

93 Amubone nziba niini mbo yuuluka. Ino muyuni wandeene, mwabona. Ta—ta ijisi mululwe pe, ta konzyi kulya mbuli cikwaangala mbwa konzya. Mwabona? Ta ijisi mululwe muli njiyo. Ta yeelede kusamba mu i—mu—i maanzi, nkaambo ijisi cintucimwi mukati kanjiyo; cila isalazya kuzwa mukati akuya aanze, nywebo mwabona.

94 Eyo nje nzila ya Munakristo mbwabede. Eyo nje nzila Leza mbwa kali tondezya Mwini, mu i—mu i—mu i nziba. Mwabona, nkaambo . . . elyo i . . . Jesu waka tondezegwa mbuli Mwanaambebele. Lyoonse mu bulenge muyo jana Leza. Elyo Leza waka tukozyanya ku mbelele eyo yeelede kusololelwa. Sena mwa kasola kuziba awo, Nda kakambauka nkambauko ali njiyo ciindi cimwi cainda? Eyo Nziba kaiselukila a Mwanaambebele, kuti isololele Mwanaambebele, nkabela Ya ka Mu sololela ku cijailo. I—i—i Nziba! Lino, ikuti na Mwanaambebele . . . Eyo Nziba tii yakakonzya kuselukila a musyobo uuli oonse wa munyama, nkaambo boonse ba keelede kuba bulenge bomwe. Mwabona? Ikuti na Nziba niya kaselukila aali umpe, nkabela na kavuta na kuvuluma, Nziba niya katola kuuluka Kwayo.

95 Ee, eyo nje nzila njiyonya lino. Elyo nzila zyesu zibi, Muuya Uusalala utola buyo lweendo Lwawo a kuunka. Bwalo bweelede kuba bulenge bukozyanya. I muyuni wa Majulu, nziba; munyama mubombe loko aa nyika, mwanaambebele; zila konzya kuzuminana antoomwe. Elyo cindi Muuya Uusalala waboola

aali ndiswe a ku tubamba kuba zilenge zipya, mpawo Walo inga watusololela. Pele tula sola kupona buumi mbubonya bwa kaindi, ta cikabeleki pe! Ta cikabeleki buyo.

⁹⁶ Lino, ntaamo ntaanzi antela njo kasola kubweza mu buumi bwako, kwaambaula busololi, yalo antela maanza amwi a *mutumbu* mucembele. Alo maanza ndiza nkwaacili sunu masiku, kubusena kuno mu namaumbwe ku busena bumwi, pele eelyo lyakali janza lya kakujata ku kubambila ntaamo yako ntaanzi.

⁹⁷ Mpawo kumane mutumbu ku kuyiisya nzila ya kweenda, elyo wakali kunga wabamba ntaamo zisyoonto mpawo wawida aansii, a ku buka, nkabela waka yeeya kuti wakali kucita zintu zipati, mpawo waa kakunyona kuya ku *mwiiyi* wa *cikolo*. Elyo mpawo waa katalika ku kusololela ku lwiiyo; obo nzila a eco nco elede kucita, a nzila mbo elede kwiiya, a— a zintu zimwi mbuli ezyo.

⁹⁸ Mpawo mwiiyi wa cikolo naka manizya a nduwe, mpawo wa kajoka, *uso* wako wa kakujata. Mpawo cindi uso wako naka kujata, waka kuyiisya antela mpindu yako; nzila yakuba simpindu uuzwidilide, nzila ya kucita cintu bululeme. Banyoko baka kuyiisya nzila yakuba i—i mukaintu wamung'anda, nzila ya kujika, a zintu zimwi mbuli ezyo.

⁹⁹ Mpawo niba kamana a nduwe, mpawo *mukambausi* na *mupaizi* wako waka kujata.

¹⁰⁰ Pele *eno* nguni uukusololela? Oyo ngo mubuzyo eno. Eno, toonse tula sololelwa a cintucimwi sunu masiku. Tu leelede kuba. Tula sololelwa. Amubone!

¹⁰¹ Lino atu lange aa mulombwana oyu mukubusyi . . . eco caka moongelezya. Atu lange i . . . simpindu oyu mukubusyi mbuli mbo tunga twa mwiita, nkaambo wa kali simpindu. Wa kali muntu wakazwidilila mulemu. Atu lange basololi bakwe.

¹⁰² Antela, kusaanguna, banyina baka muyiisya kacili musankwa muniini izintu nzya keelede kucita. Bawisi baka mubamba kuba sikuzwidilila mubotu, alimwi ndiza baka musiila i—baka musiila lukono, nkaambo wakali mweendelezi mwini; antela bawisi bakali fwide, aboobo wakali i—i simpindu. Wa kali i . . . Atu mwiite, sunu, mbuli simpindu Munakristo; na, wa kali simpindu mukombi, Ndi yeeya kuti inga kaba kabalululo kabotu.

¹⁰³ Oyu muntu wakali mukombi, walo taakwe nakali muhedeni ncobeni pe. Elyo wa kayiisigwa a banyina nzila yakucita ciluleme, nzila ya kweenda, nzila ya kulisamika. Wa kayiisigwa a bawisi, mpindu mpati, a nzila ya kuba muntu uuzwidilide; alimwi mpindu yakwe ya kazwidilila. Elyo bawisi a banyina baka mukomezya mu cikombelo, a ku mutondekela ku mupaizi. Elyo mupaizi waka mubamba kuba muntu mukombi maningi.

Aboobo wa kali muntu mubotu loko wakayiide kabotu, wa kali musankwa mubotu a ciimo cibotu.

¹⁰⁴ Ikuti na Jesu Kristo waka mulanga a kumuyanda, kwakali cintu cimwi kujatikizya musankwa oyu cakali cakasimpe. Incobeni. Nkambo Bbaibbele lyakaamba awa, tu bona muli Marko, “Elyo Jesu waka mulanga, ka muyanda.” Inzya, “Jesu waka mulanga, ka muyanda.” Mpoonya awo kwakali cintu cimwi cakasimpe cakali kulibonya kabotu kujatikizya mulombwana oyu mukubusyi. Wa kali . . . kajisi ciimo cibotu, a kweelekwa kwa ciimo cibotu. Wa kali muntu oyo waka komezegwa kabotu; mupampu, musongo, wabupampu, wakazwidilide mu mpindu, a muntu mukombi. Wa kajisi bube bunji bubotu obo bwakali kulibonya kabotu ibwandeene, cakuti ca kakwelelezya kupakamana kwa Jesu Kristo i Mufutuli. Pele cindi na kalanganwa, mbuli mbwakali sikuzwidilila mu zintu ezi zyoonse zimbi . . .

¹⁰⁵ Taakwe cintu cakalubila; wa kali bumbidwe kabotu cakulondoka kubube, keelekwa atala kabotu, mupampu, lwiyo lweelede, kuzwidilila kwakwe, wa kali musongo, simpindu mubotu, antela wakali kuzulilwa ku nkamu ya basimpindu ku busena bumwi kuya mu Palestine. Antela wakali kuzulilwa ku luswaanano lwa basimpindu mbuli ndo tujisi kuno sunu masiku, kwiina kuzumbauzya wakacita, nkaambo simpindu lyoonse uli jisi iluswaanano a bamwi, umwi a bamwi.

¹⁰⁶ Nkaambo mbuli biyo “bayuni ba mapepe,” bali jisi zintu zya kwaambaula. Elyo ikuti na eci . . . I bantu bakombi, ta bayandi kwaambaula kujatikizya muntu oyo uucita zya mayake aabukoko a i . . . boonse babo antoomwe, nkaambo taba jisi nzila yomwe. Twe elede kuba a zintu mu nzila yomwe. Aboobo Banakristo bali jisi zintu zikozyenye a Banakristo; basizibi bali jisi zintu zikozyenye aa—aa basizibi; a—a nsangano, alimwi kufumbwa obo mbo zibede, bali jisi zintu zikozyenye. Elyo musankwa oyu mukubusyi antela wakali kuzulilwa ku i—i luswaanano lwa basimpindu.

¹⁰⁷ Walo wakali mukombi mbuli mbwa kali kukonzya kuba, nkaambo Jesu wakamubuzya awa, wa kati, “Nda kabamba milao eyi, kaitobela yoonse kuzwa ku bukubusyi bwangu.” Mbo mbubo.

¹⁰⁸ Mwabona, waka komezegwa kabotu, kayiisigwa kabotu, a zintu zyoonse. Pele cindi na kalanganwa ku i—i muzezo wa Buumi Butamani. . . Lino Ndi yanda kuti mubone, a ciimo coonse eci nca kajisi, nekubaboobo wa kalizi kuti taka jisi Buumi Butamani.

¹⁰⁹ Lino, nsangano zyesu zyoonse, mbungano yesu, bumembala bwesu a zintu ezyo nzo tu yandisya kujatisya, nsangano zyesu zina America, a zintu zyoonse, zili kabotu loko, kwiina cintu ceelede kwaambwa kulwana ezyo. Elyo nsangano yesu ya Bantu

Basimilimo Banakristo kuno, ncintu cipati, yakali mulyango uujukide kuli ndime . . . aa mizeezo yesu yaabanwa aa tubungwe twandeene kuti “tuli Banakristo.”

¹¹⁰ Taakwe muntu (taakwe kabungwe) uukonzya ku tutaminina, Munakristo wini, nkaambo muzulilwa kuli Leza. Tubungwe tubambwa aa bantu, elyo Bunakristo bwakatumwa kuzwaku Julu. Pele mu zintu zyoonse ezyi nzo tujisi, mbuli mbo zili zibotu, mbuli bubotu mbo tu boola antoomwe, a mbuli kubota kwa miswaangano mbuli njo tujisi, a kumvwisya kwabuleya oko nko tujisi, nekubaboobo umwi aumwi wesu ula langanwa a *Buumi Butamani*. Elyo takukwe makani obo mbo mbo twa kazwidilila mu mpindu, nzila mbo twa kazwidilila, alimwi obo mbo tuli basimbungano balemu, a nzila mbo tubeleka, nzila mbo tusola kucita zintu kabotu, nekuba, ikuti na ta cicitwi mu nzila iiluleme, nku komba Leza mubuyo.

¹¹¹ Jesu wakabikka eco mu nzila njiyonya, mbuli Mbo ndiima awa kwakaindi kaniini. Wa kati, “Mubuyo mula Ndi komba, kuyiisya njiisyo milazyo ya bantu.” Lino amuyeeye! I kukomba, kusinizizye kusyomeka (a kusinizya kwa moyo wako) kuli Leza, nekubaboobo kucili mubuyo! Kwa katalika mu nzila eyo a Kaini, ku muunda wa Edeni. Kukomba kusinizizye, pele wa kakakwa! Mukombi maningi, nekubaboobo wa kakakwa!

¹¹² Mu Shreveport mvwiki yainda, kunze lya mvwiki eyo, ku muswaangano wa Bantu Basimilimo, kalimbabula kuya oko myaanda iikubwene ya bantu nko baka bungene, Nda katola maora aali obile a cisela ku kanana aali: *Kucitila Leza Mulimo Kakutakwe Kuba Luyando Lwa Leza*. Lino, eco cimvwika ceenzu, pele tweelede kuliinzya lwesu mu nzila yakabambwa aa Leza a inzila ya Leza ya ku cicita. Takukwe makani kunji obo mbo tu yeeya kuti cili kabotu, ceelede kweendelana a Ijwi lya Mwami kwataba boobo mubuyo. Kaini waka komba, pele kutali kweendelana a Ijwi lya Mwami. I ba Farisi bakakomba, pele kutali kweendelana a Ijwi lya Mwami. Elyo mu mulumbe oyu musalesale ku Bantu Basimilimo, Nda kayiisya oyu.

¹¹³ Davida, wa kali kuyanda kucitila Mwami mulimo, nkabela wa kali luzi muli eco nca kaamba. Wa kati, “Sa cili kabotu ku bbokesi lya Mwami kuba kunselelo kuya? Atu lilete kuno.” Mu mazuba aa mwaami, mwaami uumbi oyo ngwa kalidazina. Wa kati, “Ta cili kabotu pe. Taakwe no bakabuzya Mwami kujatikizya bbokesi, pele twe elede ku cicita.” Lino, eco cili luleme, eco nco bakeelede kucita. Wa kati, “Twe elede kuleta bbokesi, alimwi inga twa buzya Mwami.” Elyo kuli luleme, lyakali kunselelo mu cisi cimbi. Kati, “Twe elede kulileta kutala kuno. Kuli tola kutala kuya a kulibikka mu ng’anda yangu awa, a kukomba Mwami.”

¹¹⁴ Lino amubone wa kanjila mu nzila iilubide ya kucicita. Wa kabuzya basilutwe ba makumi ali osanwe manji a ba myaanda

a zyuulu. Boonse baka buzigwa, bantu boonse. Mukubona kuti lwakali luyando lwa Mwami, mbolwa kaboneka, na lya kali i—i Ijwi lya Mwami.

¹¹⁵ I Ijwi lya Mwami, ziindizimwi, weelede ku Li bikka mu busena Bwalyo bweelede kwataba boobo taluli Luyando lwa Mwami. Mwabona? Lino atu cilekele eco cimvwugwe maningi nkabela mu yojana i—i muyeeyo uujatikizya zyoonse kuli eco nce Ndili mukusola kwaamba.

¹¹⁶ Ta ndiyandi mbungano kukozyanya mu bweende obo mbo mwakajana kutala kuya mu England: masusu malamfu, a baalumi bapentedwe masyu, a bapilingene. Ta tuyandi eco! Tacikwe makani obo mbo cimvwika cabukombi, a kunji oko Elvis Presley mbwa konzya kwiimba nyimbo zya bukombi, ucili dyabulosi. Elyo Ta ndili mubetesi, pele “Kwiinda ku micelo yabo muyo baziba.” Mwabona? Ngwa Pentekoste, pele eco ta cibambi lwandaano noluceya. Mwabona, micelo yako ipa bumboni obo mbobede.

¹¹⁷ Takukwe makani na Muuya ulaseluka aali nguwe, inga waambaula mu myaambo, inga woongolola, inga waponya balwazi, elyo Jesu wakaamba, “Banji babo bayo boola kuli Ndime mu buzuba obo, a kwaamba, ‘Mwami, sena tii Nda kacita eci a ceeco na?’ Elyo Njo amba, ‘Amuzwe kuli Ndime, nywebo no mucita bubu, Tii ndaka muzi akwalo.’” Mwabona?

¹¹⁸ Twe elede kuba Banakristo, beni ncobeni, alimwi nzila biyo mbo tukonzya kucita eco nkulanganya mubuzyo oyu awa wa “Buumi Butamani.”

¹¹⁹ Kuli bube bomwe biyo bwa Buumi Butamani, nkabela obo buzwa kwa Leza. Elyo Wa kazikanzidekale zilenge zyoonse ezyo ziyo sola kuba a Mbubo. Mbubonya biyo mbo kali mbuto muli bauso, wa kali mbuto muli Leza; bumwi bwa bube Bwakwe ku matalikilo, kwataba boobo tokabi Kuya. Wa kalibonya mu busena bwa kuzyalilwa ibwa banyoko; bauso tiiba kakuzyi pe, wakali mu zikungu zyakwe. Elyo cindi no kalibonya mu busena bwa kuzyalilwa ibwa banyoko, mpawo wakaba muntunsi alimwi wakabambwa mu cinkozya ca bauso, eno inga waba a luswaanano a nguwe. Elyo cintu nciconya kwiinda kuli Leza, ikuti na ujisi Buumi Butamani.

¹²⁰ I buumi obo mbo kanjila, buumi bwabulenge, buumi bwakunyama, obo bwakainda kuli bauso. Elyo nzila buyo njo konzya kuzyalululwa, nje nzila buyo, yeelede kuzwa kuli Uso Wakujulu, bube Bwakwe. “Boonse Taata mba ka Ndi pa bayo boola kuli Ndime.” Mwabona?

¹²¹ Yebo uli ano nkaambo zina lyako lyaka bikkwa mu Bbuku lya Buumi ilya Mwanaambelele kakutanaba akwalo ntalisyo ya nyika. Mbo mbubo ncobeni. Yebo uli mbuto, mbuto ya kumuuya kuzwa kuli Uso Wakujulu, a cibeela ca Ijwi lya Leza. Naa cili boobo, mbuli mbo Nda amba, nkokuti wakali a Jesu cindi Na

kali ano nkaambo Wa *kali* Ijwi: waka penga a Nguwe, kafwa a Nguwe, kazikkwa a Nguwe, a kubuka a Nguwe, elyo eno uli kkede mu masena Aakujulu *muli* Nguwe!

¹²² Amubone, Davida waka yeeya kuti zintu zyoonse zyakali kabotu, elyo wa kabuzya bantu abo boonse, nkabela bantu boonse baka talika kuzyana a koongolola a kukwiila. Bakali jisi kulimvwa koonse kwa bukombi bwabo obo bwakaliko, pele nekubaboobo tee lwakali luyando lwa Leza kuya kunselelo a kuleta Ijwi lya Leza kunjila mu ng'anda ya Leza. Pele, nywebo mwabona, Leza lyoonse (mu makkalo oonse) ulabeleka mu nzila yomwe. Muzeezo wakwe mutaanzi ngu muzeezo Wakwe buyo, nkaambo Uli londokede mu mizeezo Yakwe. Ta citi cintu cita Wa saanguna ku ciyubununa ku balanda Bakwe, i basinsimi. Obo mbombubo.

¹²³ Ako nke kaambo obu, bukkalo obu mbo tuponamo, kwiina mbungano, taakwe Methodisti, Baptisti, ba Pentekoste, na kufumbwa cimbi, cikonzya kusola kubikka Mbungano eyi muli Nabwiinga. Ku yooba kwiingula kwa Malaki 4, kuli Leza kutuma musinsimi waku yubunwida, nkaambo eyo nje nzila luzutu. Mabungano esu abamba tubungwe a kubamba cintu mu kunyongana a kudyobengana, mbuli biyo mbo zyakabede, nkabela Leza lyoonse ulatuma basinsimi.

¹²⁴ Elyo mpaawo Natani wakaliimvwi mu nyika, musinsimi waka simpikizigwa kumbele lya Leza, alimwi taakwe naka buzigwa pe.

¹²⁵ Elyo bakaunka kunselelo a kupa kunyoonyooka kwa buumi bwa muntu uusyomeka, a zintu zimwi, a kubweza bbokesi. Mubusena bwa kulibikka aa ziwezo zya ba Levi, kuti bali bweze, bakali bikka aa ng'ola kuti ilibweze. Mulikoonse zyaka nyonganisigwa!

¹²⁶ Nywebo mwabona, ikuti na ta muunki kweendelena aa i—i luyando lwa Leza, a nzila eyo Leza nja katupa kuti tweende, lyoonse bala I nyonganya a Kwii gwisya kunjila mu kabunga kamwi, kabungwe, mulumbe umwi, elyo mpaawo mwaunka. Mwabona? Eyo mbo yakabede nzila lyoonse.

¹²⁷ Eco nce cintu nciconya musankwa oyu nca kalanganwa. Wa kanjila; wa kali i—i—i cizo ca ba Farisi na iba Saduki ndiza, na mukutausi umwi uunanikidwe mulemu wa buzuba obo. Wa kali mukombi mbuli mbwa kali kukonzya kuba. Wa kati, “Nda katobela milao eyo Nje ndaka yiisigwa, kuzwa ni Nda kali mukubusyi.” Mwabona? Elyo Jesu wa kamuyanda nkambo ka ncico. Pele wa kakaka kweenzegwa, wa kakaka kutambula busololi bwini ibwa Jesu Kristo kuti amupe Buumi Butamani.

¹²⁸ Amubone, wa kasyoma kuti kwakali cintu cimwi cakandeene kwiinda eco nca kajisi, kwataba boobo na takaamba kuti, “Mufundisi Mubotu, ino Ndi cite buti lino?”

¹²⁹ Mwabona, wa kali kuyanda kulicitila cintu cimwi. Eyo nje nzila mbo tucita, tu yanda kuli citila cintu cimwi. I Cipo ca Leza ncipo cipegwa buyo. Leza waka Cipa kuli nduwe, yebo tociti cintu cimwi nkambo ka Ncico. Wa ka Ci salila nduwe, nkabela uyo Ci tambula. Mwabona?

¹³⁰ Amubone, wa kali Ci zyi kuti cakaliko. Wa kali kusyoma muli Ncico alimwi wakali ku Ci yanda. Pele cindi naka langanwa a nzila mbwa kacicita, cakali andeene kuzwa ku kalengwa kakwe kabukombi. Ca kali andeene. Wa kali kukonzya kujata mali a kuzumanana kuzulilwa ku mbungano eyo nja kali kuzulilwako, a zintu zimwi. Pele Jesu wakalizi eco, a kuziba kuti wa kayobwede maningi mali aya, elyo Wa kati, “Koya ukasambale zyoonse nzo jisi, a kuzipa ku bacete. Elyo boola, bweza ciingano cako a ku Ndi tobela, elyo uyooba a lubono ku Julu.” Pele ta kakonzya kucicita.

¹³¹ I basololi bambi abo mba kajisi mu mazuba a bukubusyi bwakwe, ba kajisi koongelezya maningi aali nguwe kusikila wa kakaka kutambula Nzila ya Leza yakabambwa, eyo yakali Jesu Kristo; Oyo alikke ujisi Buumi Butamani, Oyo alikke uukonzya ku Bu pa kuli nduwe. Kutali mbungano kuti inga yakupa Buumi Butamani; kutali simukobo nyokwe; kutali mweembeli wako; kutali mupaizi wako; kutali kansiyansiya kako; cita biyo Jesu Kristo Mwini ngu konzya kukupa Buumi Butamani. Walo i . . .

¹³² Takukwe makani obo mboli mubotu, eco ncoleka kucita, eco ncoalika kucita, yebo weelede kutambula ciimo ca *Muntu* i Mwami Jesu Kristo. Elyo mpawo cindi wacita eco, Walo ndi Ijwi, elyo mpawo buumi bwako bulelele kabotu mu Ijwi alimwi Li laliyubununa Lini ku bukkalo obu mbo ponamo.

¹³³ Nowa wakacita eco ku Ijwi kuti liyubuluke mu bukkalo bwakwe. Lino, ino kuti Musa naka zwidilizya kuboola, kati, “Tu lizi eco Nowa nca kacita, tuyo bweza ijwi lya Nowa. Tuyo cicita mu nzila Nowa mbwa kacicita. Tuyo yaka i—i bwaato a ku bwiimpausya kunselelo lya Mulonga Nile, a kuzwa kuya ku Egepita”? Baa, nica takabeleka. Mwabona, obo bwakali bukkalo bumbi.

¹³⁴ Jesu nata kakonzya kuboola a mulumbe wa Musa; Luther nata kakonzya kuboola a mulumbe wa Katolika; Wesley nata kakonzya kuboola a mulumbe wa Luther; Pentekoste niyata kaboola a mulumbe wa bukkalo ibwa Wesley. Elyo Nabwiinga takonzyi kubumbwa mu kabungwe ka Pentekoste, ta konzyi biyo kucicita. Elyo mbombubo ncobeni. Waa kaba kabunga a kuzwa awa, nkabela ngooyo uli bambidwe, mbuli biyo bamwi babo. Calo ncikwa. Mbuli buyo buumi bwatanta kwiinda i . . . Mwabona?

¹³⁵ Oyo mulembi, mbuli mbo Nda kaamba busiku bumwi, oyo mulembi wa kalemba bbuku eli . . . Elyo kutali kuteeti wa kandikazya bubyaa bi maningi, kati Nda kali “i dyabulosi,

ikuti na kwakali cintu cili boobo.” Aboobo wa kati takali kusyoma muli Leza. Wa kati, “I Leza oyo uukonzya kuvunga maboko Akwe a kukkala a kuba langilila bantu bakafwida lusyomo lwabo, mu makkalo mataanzi, a kutaminina kuba a nguzu zya kujula Lwizi Lusalala, a kulekela banakazi a bana kuzapaulwa ku balavu a zintu zimwi, alimwi mpawo kati Wa kali Leza waluyando.” Kati, “Taakwe cilenge cili boobo.” Mwabona, mulombwana, katakwe bunanike bwa Ijwi, ulakacilwa ku Ci bona.

¹³⁶ I bulotwe butaanzi bwa whiiti, Simusa, wa keelede kuwida mu bulongo kutegwa abuke alimwi. Mbubonya obo Nabwiinga mutaanzi mbwa kazyalwa ku Pentekoste kwalo wakacita kwiinda mu Makkalo ayo aa Musinze mbuli nseke ili yoonse iimbi, yeelede kuzikkwa. Bakali kweelede kufwa. Ba leelede kucicita. Pele caka talika kusonsa alimwi muli Luther, mu lubambululo lutaanzi. Tii caka boneka mbuli nseke eyo yaka njila, pele wakali Mumuni wa buzuba obo. I cisiko mpawo caka zumanana kunjila mu ngalala, Wesley. Elyo kuzwa ku ngalala ca kanjila mu Pentekoste, i cikwa.

¹³⁷ Cindi mwabona muli whiiti, cindi calibonya, bulotwe bwa whiiti, muntu wa kalima whiiti, ula unka kubusena a kubona ciimo eco ca whiiti mukati muya, ciboneka biyo mbuli museke. Pele ikuti na wabweza cakukokozya a kukkala aansi a kubweza whiiti eyo a kwijjula, kwiina museke muya nokuceya. Calo ncikwa biyo. Elyo mpawo ncinzi? Cila—cila bumbwa muya, kuti cijatilile museke. Mwabona? Elyo mpawo, cintu citaanzi mulizi, buumi bwakazwa ku i—i—i cisiko kuya mu ngalala; bwazwa mu ngalala muya mu cikwa; bula siya cikwa a kunjila mu whiiti. Zibeela zyoatatwe, mwabona, zya ncico. Elyo mpawo kubumba Whiiti *aanze* lya zibeela zyoatatwe (Luther, Wesley, Pentekoste). Mbubonya biyo. Mwabona, kwiina kuzumbauzya. To konzyi kwiimika buzumanane bwa bulenge.

¹³⁸ Lino amulange, kwainda myaka yotatwe lyoonse Mulumbe waka mwaika wakutumwa kwa Leza, bakaba kabunga. Oyo watola myaka ili makumi obile, kwiina kabungwe. Ta ukaciti. Mwabona? Lino cikwa ceelede kusomoka, kupa Whiiti ciindi ceelede cakubikkwa kumbele lya Mwana, kuti ibizwe; Mulumbe kaujoka moonya mu Mbungano, kaubumba Mubili wa Jesu Kristo mbubonya buyo mbuli Umwi mutaanzi walo waka njila mu bulongo. Lino, ku bona i—i Buumi Butamani.

¹³⁹ I Buumi, masimpe i—i cisiko kunze awa caka bweza Buumi. Ncobeni, caka cita. Pele, nywebo mwabona, cindi ni cakaba cisiko alimwi ca kamana, i kabunga, Buumi bwa kazumanana kunjila moonya muli Wesley; bwakalibonya ncobeni, bwa kanjila. Elyo lomwe, cimwi acimwi ca nzizyo . . . Cimwi, itu pati, tali boneki mbuli museke. Pele cindi poleni nsyoonto yaboola, mbuli i . . . aa i—i cikwa . . . na aa cisiko, poleni ya ngalala,

ciboneka kuba bube boonse mbuli museke. Pele cindi caboola aansu ku cikwa eco, cila tandila kuba kuya.

¹⁴⁰ Sena Jesu ta kaamba, “Mu mazuba aaku mamanino” (Matayo 24:24) “zyobile ziyo kozyanya maningi cakuti ciyo cenga imbuto nzizyonya, zyakakanzwa, Bantu Basale, ikuti nicakali kukonzeka”? Kutandila mbuli cintu cini, mwabona. Aboobo, mu mazuba aa kumamanino. Lino, nywebo mwabona, nciindi ca whiiti lino. Cili mukuba ciindi ca butebuzi. Obu tabuli bukkalo bwa Luther, obu tabuli bukkalo bwa Pentekoste, obu mbukkalo bwa Nabwiinga.

¹⁴¹ Mbuli Musa mbwa kaita cisi kuzwa ku cisi, Kristo sunu uli mukwiita Mbungano kuzwa ku mbungano, nywebo mwabona; cintu nciconya mu cikozyano, kubatola ku Nyika ya Cisyomezyo Iitamani yabulemu.

¹⁴² Lino, kukaka ciimo eco ca Muntu oyo wiita, Kristo, takukwe makani ikuti na uliwa Pentekoste, Methodisti, Luther, kufumbwa mbobede, yebo weelede ku . . . Bukkalo obu! Kwiina cakubalwana, nokuceya, pele mu bukkalo obu *lino* mweelede kutambula (mbuli mbo bakacita mu bukkalo obo) ciimo ca Muntu Kristo uuli ndi Ijwi!

Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza.

Elyo Ijwi lyakaba mu mubili wabuntu, a kukkala aakati kesu, . . .

. . . mbobuca nguwenya, . . . sunu, a muya myaaka.

Hebrayo 13:8. Mwabona, mweelede kutambula ciimo eco ca Muntu wa Buumi Butamani!

¹⁴³ Lino, obo Buumi Luther mbwa kajisi, bwakali bwa kululamikwa. Wesley bwakali bwa kusalazigwa, kayungizya kuli ncico. I Pentekoste yaka jisi kuboozezya kwa ziyege kazi jokela muli njiyo, kayungizya kuli njiyo. Pele lino cili mukumanizya mu mubili, nywebo mwabona, zibeela zyotatwe zya ncico, a kuzwa kuli eco. . . Lino, cindi ca bubuke caboola, Buumi obo bwakaponwa mu bana Lutherani, obo bwakazwa, Buumi obo bwakaponwa muli bana Methodisti nkabela bwakazwa, Buumi obo bwakanjila mu bana Pentekoste, boonse buyo kwempwa kuzwa aa nyika mu Mubili wa Nabwiinga kuyo janika kumbele lya Jesu Kristo. Bulemu kuli Leza! Oh, cila botelezya! Bwalo Mbwini!

¹⁴⁴ Twa nyona kkona! Tu langa ku Julu, katu langilila kuboola; Nsonje ya Piramidi, mbuli mbo tunga twaamba, kujoka Kwakwe! I Mbungano yeelede kubusigwa cakufwambaana, nkabela tweelede kulibambila.

¹⁴⁵ Elyo nzila buyo mbo mukonzya, takuli kwaamba kuti, “Ee, Ndi zulilwa ku Assemblisi. Ndi zulilwa kuli Babumwi, Babubili,” na kufumbwa mboibede, onse alo kuya, “Ndi zulilwa

ku mbungano ya Leza,” eco ta caambi cintu pe. “Bamatata besu bakoongolola a kuzyana,” eco cili kabotu ncobeni, obo bwakali buzuba *bwabo*. Pele *sunu* mwalanganwa kutali a kabunga nko bakabamba, pele a Buumi buli mukuzumanana, buli ngu Jesu Kristo.

¹⁴⁶ Oyu mulombwana mukubusyi wakacita cintu nciconya. Musa wakalemba milao eyo. Pele, nywebo mwabona, Leza nguwenya oyo wakalemba milao, kwiinda ku musinsimi Wakwe, cakali cintu nciconya cakasinsima buzuba kuti buyo boola, “Njo busya Musinsimi uuli mbuli ndime. Elyo ciyo boola kucitika kuti boonse bataka Mu mwvi bayo nyonyoonwa”; kujoka mu zikwa zyatubungwe a ngalala. Ba leede kuzumanana kuya ku Buumi. Elyo sunu, utati, “Ndi wa Pentekoste. Ndi zulilwa kuli *eyi*, Ndi zulilwa kuli *eyo*.” Eco ta caambi cintu. Yebo weede kutambula ciimo ca Muntu Kristo, Buumi Butamani. Bulalanganya umwi aumwi wesu! Muta lubi eco.

¹⁴⁷ I basololi bambi, nywebo mwabona, ba kajisi kujatilila maningi aali nguwe. Bantu babo baka yiisigwa, “Ee, tu zulilwa kuli *eyi*, alimwi tu zulilwa kuli *eyo*,” a kujatilila maningi aali nguwe. Pele ino ncintu cibyaabi, kukaka busololi bwa Buumi Butamani!

¹⁴⁸ Lino, obo Buumi nkobuli sunu masiku. Mbo mbubo. I Muuya Uusalala mpali ano, uuli ngu Kristo mu ciimo ca Muuya; Muuya Wakwe, bunanike buli ano.

*. . .kaindi kaniini, elyo nyika tii cindiboni limbi;
nekubaboobo muyo ndi bona: . . .*

*. . . Nkambo Njo oba a ndinywe, akwalo muli ndinywe,
ku sika kumagolelo, ku *mamanino aa nyika*.*

¹⁴⁹ Jesu alikke ngu konzuya ku kusololela ku Buumi obo Butamani. Taakwe mbungano, taakwe kabungwe, taakwe mukambausi, taakwe mupaizi, taakwe cintu cimbi cikonzuya ku kusololela kuli Mbubo, weede kusololelwa aa Nguwe, Oyo alikke ngu konzuya ku kusololela.

¹⁵⁰ Sa inga mwa Mu yeeyela kumusololela kuzwa ku Ijwi Lyakwe, lili lyalo Nguwe? Elyo ikuti na Walo ndi Ijwi, elyo uli cibeela Cakwe, sa tokabi cibeela ca Ijwi? I Ijwi eelyo Leza ndya yanda kutila maanzi a lufutuko ku buzuba bwasonu, ku Mu zibya sunu; mbuli baapostolo mbo baka Mu zibya, mbuli Luther, mbuli Wesley, mbuli mu bantu mu mazuba baka Mu ziba. Obu mbukkalo bumbi. Ndi Ijwi! I Ijwi lyakati zintu ezi nzo tubona kazicitika lino, zyakaambwa kuyo citika mu oora eli. Aboobo kotambula Jesu Kristo a ku Mu lekela ku kusololela ku Buumi Butamani.

¹⁵¹ Nekubakuti waka zwidilila, mulombwana oyu mukubusyi. . . Wa kazwidilila mu zintu zyoonse. Mu cikolo, kali kabotu. Mbuli musankwa mubotu, kwiina kuzumbauzuya,

wa kali mubotu. Mbuli taata wini. . . Mu kuswiilila kuli bawisi mu mpindu, wa kali musankwa mubotu—mubotu. Mubotu ku bazyali bakwe. Wa kali kusyomeka ku mupaizi wakwe. Wa kali kusyomeka ku mbungano yakwe. Wa kali kusyomeka ku milao ya Leza. Pele wa kasweekelwa cintu cipati kwiinda, alimwi zimwi zimbi tee zyakaamba cintu loko kuli nguwe cindi nakakaka busololi bwa Buumi Butamani, Jesu Kristo.

¹⁵² Amubone! Obu busololi bulalanganya umwi aumwi wesu sunu, cintu nciconya mbuli mbo cakacita ku muntu oyo mukubusyi, swebo. . . takukwe makani obo mbo tuli bakombi. Inga ndiza uliwa Katolika, inga ndiza uliwa Baptisti, Methodisti, na inga ndiza muli ba Pentekoste, na kufumbwa mbo mubede, cintu eci nciconya cila kulanganya sunu masiku: Buumi Butamani, nkokuti, butambuzi bwa Jesu Kristo. Tuli pedwe ciindi eci ceelede.

¹⁵³ Ciindicimwi mu buumi tweeledede kulanganya cintu mbubonya mbuli muntu oyu mukubusyi mbwa kacita, nkaambo uli muntu uufwika alimwi ulipedwe i—uli pedwe ciindi ceelede ca kusala. Uli jisi kusala. Leza waka cibamba boobo kuti usale. Ikuti na Wa kabikka Adamu a Eva aciimo cakulisalila kulilemeka kutegwa inga basala, mpawo baka bamba kusala kulubide, alimwi, mwabona, Walo ukonzya buyo kukucitila mbuli Mbwa kaba citila. Walo weelede ku kubikka cintu nciconya kutegwa ukonzye kusala na kukaka.

Yebo weelede kusala. Atu lange kuli bamwi babo:

¹⁵⁴ Yebo weelede kusala, mbuli muntu mukubusyi, naa uyosala lwiiyo na pe. Yebo uli jisi kusala oko. Yebo inga wayanda kuba “kuta citambula biyo,” yebo ulakonzya ku cikaka biyo.

¹⁵⁵ Yebo uli jisi kusala kwa kulilemeka kwako. Ndiyo cibamba kucisa buyo aniini awa. Mwabona? Yebo inga waunka kubusena a kulekela masusu ako kulampa kuyaansi a kuba mbuli Basimisobano na zimwi ziyanga ezi.

¹⁵⁶ Naa nywebo no banakazi, inga mwaboneka mbuli i—i muntuni uukkwenene na inga mwaba zimwi zilenge ezi zya bubi nzo tu jisi kumasena kuya, aalo meso a bbulu. Elyo bubambe bwamasusu mu nkata mpati a zintu, zilwana Ijwi lya Leza cakumaninina, calo ciliimpene ncobeni; kutali akwalo kupa. . . takonzyi kupa mupailo kuti utambulwe. Obo Mbwini. Obo mbombubo ncobeni. Eco ncencico Bbaibbele nco lya kaamba.

¹⁵⁷ Pele ncinzi cakacitika kuli nduwe, o mbungano? Wa keebela cipekukeku maningi, zintu maningi zya nyika, ncitete loko ku bulenge bwako ibwa Adamu mukulukulu kunjila muli eco, kulilemeka mbuli bamwi babo.

¹⁵⁸ A Ndi loolole eci! Mubujike bweelede, mu kutuula kwa i—i—i mulungo mu mazuba aa Musa, cindi Musa naka gwisya bana, kwakali mazuba ali ciloba nokwa kateelede kuba bumena aakati

ka bantu. Kufumbwa muntu ulizi eco. Mu Kulonga, “Taakwe bumena buyo janwa mu cilabba canu nobuceya, mazuba aali ciloba.” Ayo *mazuba* aali *ciloba* akali kwiiminina buzule bwa “makkalo aa mbungano aali ciloba.” Mwabona?

¹⁵⁹ “Taakwe bumena.” Lino, eco ncinzi? Taakwe kansiyansiya, taakwe nyika. Jesu wakati, “Ikuti na uyanda nyika na zintu zya nyika, luyandisyo lwa Leza taluli muli nduwe akwalo.” Mwabona? Elyo tu sola kusanganya eco; to konzyi kucicita! Yebo weelede kuboola ku cintu *comwe* kusyoma: uyosala kusyoma Leza, uyo syoma mbungano yako, uyo syoma nyika, uyo... Yebo to konzyi ku cisanganya antoomwe. Elyo to konzyi kujatilila ku zintu ezyo zyakaindi eyo mbungano imwi nciyaka musaangunina kucita. Kwalo weelede kubweza Mulumbe wa oora.

¹⁶⁰ Wa kati, “Eyo yakali mbutikwa, muta iyoboli mane kuseeni (ku boola mu bukkalo obu bumbi), amwiumpe a mulilo; inyo nyoonwe.” Obo bukkalo mbo mupona mo, Mulumbe wa bukkalo obu, We elede kuzwa ku Malembe a kusimpikizigwa a kutondezegwa aa Leza kuteeti ngu Leza ucita boobu. Mpawo ulasala kutambula Oyo na Ku kaka. Obo Mbuumi Butamani, busololi bwa Muuya Uusalala, kusololela Mbungano Yakwe.

¹⁶¹ Inga twa kkalila aali eco kwa ciindi cilamfu, pele a tweende, kuzumanana buyo kweenda ambali.

¹⁶² I kusala kwa kulilemeka kwako. Yebo ulakonzya... Yebo to konzyi kucisanganya eno. Inga waiminina Leza na kulwana Leza, alimwi kulitondezya kwaanze kuzibya eco cili mukati. Mwabona? I nsoke... Bunji bwanu mula yeeya, “Ndi tambwede lubapatizyo lwa Muuya Uusalala, Ndiya ku Julu.” Eco ta caambi cintu *comwe* kuteeti uya ku Julu. Peepe, munene. Yebo inga konojisi lubapatizyo lwa Muuya Uusalala ciindi coonse mu buumi bwako, nkabela ko cisweekede a kuya ku gehena. I Bbaibbele lya kaamba obo. Uh-huh, obo mbombubo ncobeni.

¹⁶³ Amulange kuno, uli muntu waanze. Yebo ujisi magano osanwe ayo aakukwaba mubili waanze. Leza wakakupa magano ali osanwe; kutali ku Mu kwaba, ng’anda yako yaansi: kubona, kulabila, kwaampa, kununkizya, a kumvwa.

¹⁶⁴ Mpawo uli jisi muuya mukati lya oyo, alimwi uli jisi nzila zyosanwe: manjezeezya, a luyandisyo, a zintu zimwi. Nzila zyosanwe zyakuti ukwabe nyika ya muuya a ceeco, pele a muuya wako.

¹⁶⁵ Kwakunyama ikwako kukwaba kwakunyama. Kwa kumuuya kwako kukwaba kwa kumuuya. Pele mukati ka oyo ujisi buntu, nkabela obo buntu ni mbuto eyo iizwakwa Leza.

¹⁶⁶ Elyo mbuli muvwanda wabumbwa mwida lya banyina. Cindi muvwanda aanjila mu i—mwida lya banyina kwiinda ku nseke niini, ila kwakwalika kunjila mu jii, tai pangi seelo lyomwe kuba

muntunsi, litobela mubwa, a litobela kaaze, a litobela mbizi. Alo maseelo oonse a muntunsi nkaambo lila yaka kuzwa ku seelo taanzi lya muntunsi.

¹⁶⁷ Elyo cindi muntu aa zyalululwa ku Ijwi lya Leza, kakanzwa ku Buumi Butamani, uutegwa “I Musale,” li yooba Ijwi lya Leza aatala a Ijwi, Ijwi aali Ijwi! Kutali kansiyansiya kakabungwe elyo mpawo Ijwi, a kansiyansiya; nkabela ta cikabeleki. Yebo to konzyi kuba aa bumena obo muli Ndilyo! Bomwe buyo Buumi Butamani, Jesu Kristo i Ijwi:

Ku matalikilo kwakali Ijwi, a Ijwi lyakali antoomwe a Leza, nkabela Ijwi wakali Leza.

Elyo Ijwi lyakaba mu mubili wabuntu, a kukkala aakati kesu, . . .

¹⁶⁸ Beenzuma, mula sanina bana bangu. Mula ndituma koonse ku masena akutolela lusyomo lwa bukombi ku nyika, ku leta Mulumbe. Nde elede kuba uusinizizye kuli ndiywe. Eco nce Ndi langa, ndiza tamu ciboni. Eco ncencico nce Ndili ano kusola ku mwaambila. Takuli kuti ta Ndi bayandi bantu, ngu kaambo kakuti Nda bayanda bantu. Kululamika. Cindi Nda bona kuleya kwa mbungano, ka ileya, kwaamba, “Ee, twa kacita *eci* alimwi twa kacita *eco*,” a kulanga koonse ku mbungano a kubona i . . . Ta cikonzyi buyo kubeleka.

¹⁶⁹ Mpawo kulanga kuno mu Bbaibbele a kubona kuteeti ceelede kuba nzila eyo ku mamanino, obo Bukkalo bwa Mbungano ya Laodikeya kabu kasaala, kutandila aanze Jesu (i Ijwi). Taakwe na kaita . . . Ta kaiti mbungano. Wa kati, “Abo boonse mbe Ndi yanda, Nda batapatila. Nda bakoma.” Kubweza Ijwi a ku Li pandula canguzu, a kwaamba, “Muli lubide muli ncico!” Ako nke kaambo nce Ndi muyanda. “Ikuti na uyo jula mulyango a ku Ndi lekela kunjila, Ndiyo njila a kulalila a nduwe.” Kutali mbungano, Wa katandilwa aanze lya yeeyo.

¹⁷⁰ Iya ku Nkamu ya Mabungano oonse aa Bunakristo. Oko nkunkuko nko yuunka, kujokela moonya muli Rome oko nkoya kazwida. Obo mbo mbubo ncobeni. Ndi cijisi eco cilembedwe aa pepa kuzwa ku myaka iili makumi obile ayosanwe, na myaka iili makumi otatwe aitatu yakainda, nkabela nceeco we. Kutali buyo eco, cili lembedwe mu Bbaibbele, kuzwa ku cilengaano. Ya jokela. Kwiina nzila ya kwiivuna pe, ili nyonyokede! Iyooba mu nzila eyo.

¹⁷¹ Leza wiita *muntuamuntu*. “Nda ima ku mulyango a kukonkomona. Ikuti na muntu uuli oonse, muntunsi uuli oonse . . .” Muntu omwe kuzwa ku cuulu, antela inga waba omwe kuzwa ku milioni.

¹⁷² Mbuli mbo Nda kaamba masiku akainda masyoonto. Cindi Israyeli niya kalibonya kuzwa ku Egepita, bakali buyo bantu bali mamilioni aali obile, a mamilioni obile biyo; omwe biyo . . . bantu

bobile biyo baka njila. Omwe kuzwa ku milioni. Sena mwaka kalizi eco? Kalebu a Joshua.

173 Elyo Jesu, cindi Na kali aa nyika, ba kati, “Bamatata besu bakalya manna mu nkanda. Tu yobola tulengwa. Elyo tuli mukucita *eci*. Tu lizi awo mpo twiimvwi!”

174 Wa kati, “Ndi liziyi bamauso bakalya manna mu nkanda, kwalo boonse babo bakapambulwa Cabutamani. Bali fwide!”

175 Cindi nseke yazwa ku mweenze na muzyazi, kuli maji aali milioni aboola, kuli inseke zili milioni ziboola. Elyo kuzwa kuli zyoonse nseke ziniini, zya musyobo . . . Ikuti na—ikuti na nkuzwa ku mucende, na mwaalumi, na kufumbwa mbo cibede, kuli buyo nseke zili mamilioni, nseke zili milioni kazibeleka. Mu kati muya kuli yomwe biyo ya nseke eyo iyakasalilwa buumi, nkambo kuli biyo iji lyomwe kuya, lyamunzuka, kuti ili swaanganye. Mbo mbubo. Kuli iji lyomwe biyo ndeliyo swaana. Mbuli biyo mubili oyu awa, elyo nseke izwa kuli Leza. Mwabona? Elyo amulange nseke eyo niini kaiboola akati ka inseke ezi zyoonse zimbi, a kuvunyungula koonse kuli nzizyo, mpoonya ku ziinda, kuunka awa a kujana iji eelyo lila munzuka a—a kukwakwalika ku linjila; elyo zimwi zyazyo zilafwa.

176 Ino ikuti yakali nzila eyo a mbungano sunu, yomwe kuzwa ku milioni? Mwabona awo mpoinga yaba? “Mulyango uumanikide a Nzila iipatide, nkabela mbace bayo I jana; nkaambo mugwagwa mupati ni nzila eyo iitola ku lunyonyooko, nkabela banji bayo njila mu busena obo.”

“Sa obo mbwini, Mukwesu Branham?” Ta ndizi, pele Ndi balulula biyo Lugwalo. Mwabona?

177 Lino, mwaka salwa ku Buumi. Mula Bu bona ikuti na mwa kasalwa ku Bu bona. Ikuti tamu salidwe ku Bu bona, tamu ka Bu boni pe. Kati, “Bali jisi meso pele taba konzyi kubona, matwi a kutakonzya kumvwa.” Obo mbo eelede kuba uulumbide, mbungano! Obo mboelede kuli lulamika kuzwa ku zintu ezi! Obo mbo eelede kuba a kuyandisisya kwa Leza! Cakuti meso ako alabona eco nco bona, matwi ako alamvwa zintu nzo bona. Busololi! Mwaboolela nzi kuno sunu masiku kuzomvwa Mulumbe mbuli Oyu? Ndi bikkidwe impa ku nyika yoonse, kwiinda ku mabungano, kuba “sikwiindilizya.” Mwa boolela nzi? I Muuya Uusalala wamu sololela kuno (mwabona? mwabona?) ku zooswiilila. Kupalulwa! Ku kosola zintu zya nyika, kutambula busololi bwa Jesu Kristo, kwataba boobo muyo nyonyooka masimpe mbuli nyika.

178 Uli jisi kusala kwa kulilemeka. Obo mbo lilemeka, cili kuli nduwe.

179 Uli jisi kusala kwa mukaintu wako. Yebo ulaunka kubusena a kubweza mukaintu wako. Yebo uyanda ku bweza mukaintu, yebo uyanda kubweza umwi weelela kukkwanya kuli

kwako...kuli eco nco yanda kwako...kukanza muunzi wako uuli kumbele mbo uyooba. Sa inga wayeezezya mwaalumi, mwaalumi Munakristo, kuunka kubusena a kubweza umwi wabaaba ba Ricketta basunu kuba mukaintu? Huh? Sa inga wayeezezya? Ncinzi eco mwaalumi oyo nca yeeya? Ino musyobo nzi wa muunzi ngwa yooba awo ikuti na wabweza basikuziyana wa zyankwela, sikudana wiindilizya kuzwa ku kagwagwa abusena awa, sibwaamu wamutugwagwa? “Oh,” yebo wati, “lino, lindila asyoonto.” Mbobuti mbwa sama? Mwabona? Mwabona? Usama tubbudula a zintu, walo ngu sibwaamu wamutugwagwa. “Oh,” yebo wati, “lino, Mukwesu Branham!” Oh, yalo misinsi misyoonto ijata, iboneka mbuli kuti wasukumikwa muli njiyo, sibwaamu wamutugwagwa.

¹⁸⁰ Jesu wakati, “Kufumbwa muntu uulanga mwanakazi caku musukama, wacita kale mamambi a nguwe mu moyo wakwe.” Mpoonya weelede kuyo avwiilila. Elyo ino inga wacita nzi? Waa kali sambala mwini. Nguni uujisi mulandu? Amu ciyeeye.

¹⁸¹ Yebo wati, “Taba cipangi zisani zimbi.” Bali jisi zintu a mincina ya kusumya. Taakwe ntamizyo. Huh-uh. Mbo mbubo.

¹⁸² Lino, Ta ndiyandi ku mucisa. Elyo oku takuli kuseka buyo, oku ngu MBUBOBU MBWAAMBA I MWAMI kuzwa ku Malembe. Cili bwini ncobeni, mweenzuma. Ndili muntu waceembaala, Ta ndi jisi ciindi cilamfu ca kukkala, pele Nde elede ku mwaambila Bwini. Ikuti na oyu mulumbe wangu wa mamanino, ngwa Bwini. Mwabona? Taciti, mucizi. Taciti, mukwesu.

¹⁸³ Elyo anywebo nobalombwana ba jatilide ku i-i kansiyansiya, a kuziba Ijwi lya Leza kali simpikizigwa nkoonya kumbele lyanu. I lubapatizyo lwa Muuya Uusalala a tusimpe otu ntu tujisi sunu, elyo mpawo, nkaambo ka kansiyansiya kanu, mwa Lu futatila? Mbobuti mbonga waba mwana wa Leza kakuli ukaka Ijwi lya Leza eelyo lya kaambwa ku mazuba aya a mamanino nge tuponamo? Mbobuti mbonga wacicita? Mbobuti Bbaibbele mbo likonzya kwiita eci...

¹⁸⁴ Mbuli mbo Nda kaamba masiku kujatikizya i-i mwami ciindi cimwi, ku Musanza, cindi ni bakajisi bantu basiya kuya abo bakasambalwa kuba bazike. Baa, bakali buyo mbuli i-i cisambalilo ca myootokala yakabeleka kale, wa jana pepa lya busambazi kuli mbabo. Elyo Nda kayoowa, ku busena buniini...Nda kabala buzuba bumwi oko i-i sikucitila bamwi makwebo nkwa kaboola kuula umwi, alimwi wa kati, “Ee, lino, Ndi yanda...” Bakali uaside, wa keelede ku banabba, ku babamba kubeleka nkaambo bakali kule kuzwa ku muunzi. Ba kasambalwa, bazike. Elyo bakali mu cisi cimbi nko batakazi cintu pe, alimwi kwakanyina kuli mbabo kujoka ku muunzi, nkabela bakali uaside. Wa keelede ku banabba, ku babamba

kubeleka. Pele oyu sikucitila bamwi makwebo wakainda ku mpulasi imwi mpati.

¹⁸⁵ Mulombwana umwi mukubusyi kuya a kaango kakwe kadukumene, cilezu cakwe mujulu, tokeelede ku munabba. Wa kali cangamukide, alimwi wa kabamba kulilemeka kwa bamwi bambi kululama.

I sikucitila bamwi makwebo wakati, “Nda muula.”

¹⁸⁶ Wa kati, “Ta sambalwi pe. Ta inki. Yebo toko muula, nkaambo ta sambalwi.”

¹⁸⁷ Wa kati, “Ee, ino ncinzi cimubamba kuba waandeene maningi?” Kati, “Sena ngo mulangi wa bamwi babo?”

Kati, “Peepe.”

Kati, “Sena umusanina bwandeene?”

¹⁸⁸ Kati, “Peepe. Walo muzike, ulalya kuya mu buyake bwakusambalilwa a bamwi babo.”

Kati, “Ino ncinzi cimubamba kuba wandeene maningi?”

¹⁸⁹ Wa kati, “Nda kagambwa lwangu, kusikila Nda kaziba. Kuya mu Africa (oko nkobazwa, oko Bamabbunu nkoba kabaula, a ku baleta kuno a ku basambala kuba bazike), kuya wisi mwaami wa mukowa. Elyo nekuba, muzwakule, kulaale kuzwa ku muunzi, ulizi kuti mwana wa mwaami. Aboobo ula lilemeka mu nzila eyo.”

¹⁹⁰ Ino nkutapatilwa ku Bunakristo! Twe elede kwiiminina Leza a Buumi Butamani. Kuli musyobo omwe luzutu wa Buumi Butamani, nkabela oyo ngu Leza. Walo alikke ngu jisi Buumi Butamani. Elyo tuli zipange Zyakwe, nkaambo twakali imbuto zya Muuya Wakwe. Mpawo twe elede kulilemeka, banakazi a baalumi, mbuli Bbaibbele mbo lyaka twaambila kucita. Kutali ba Jezebeli mu kagwagwa, a ba Ricky iba kabunga; pele balombwana Banakristo, bana balombe a basimbi iba Leza, bakazyalwa ku Muuya wa Leza, kaba yubulula Mumuni mu mazuba esu a Ku umwaya. Eco cili luleme ncobeni.

¹⁹¹ Obo mbo twa dilika kuzwa kuli Nguwo! Nkaambonzi? I cintu nciconya musankwa oyu nca kacita awa. Wa kakaka, kukaka Buumi Butamani, nkaambo ni Bwa kamunyanga bwiime butambulika ku buleya, ni Bwa kamunyanga buponi bwaatala a bwabupaale bwakwe—bwakwe—bwakwe bwa mali, Ni bwa kamunyanga luswaanano lwakwe mu mbungano, ni Bwa kamunyanga zintu zinji. Wa kali zyi eco nco Bwa kali noyo munyanga, wa kali musankwa uyeeya kabotu, alimwi wa kalimvwa kuti takali kukonzya kubbadela muulo. Nekubaboobo wa kayeeya, “Njo syoma buyo bukombi bwangu a kuzumanana.” Pele kungsi kwa moyo wakwe wa kalizi kuti kwakali cintucimwi kujatikizya Jesu Kristo ica kandeene kuzwa kuli balo bapaizi ba buzuba obo.

¹⁹² Elyo kufumbwa Mulumbe oyo uuboola, Mulumbe, wini wakabambwa aa Leza, uliindene kuzwa ku bweende bwakale. Cindi kuponesegwa kwa Buleza nikwa kamwaika, kutali ciindi cilamfu, sena mwa kabona obo basikulikozyanisiya mbo kakutobela? Mwabona? Elyo bantu boonse babo moonya mu tubunga, kukkala kuya. Sa muntu umwi wakaziba kuti kwa keelede kuba Mulumbe kutobela eco? Baa, Leza ta tu sangabalisiyi! Ula kwela kuswiilila kwesu akubelesya cintucimwi, alimwi cindi Na kwela kuswiilila kwesu, mpawo Walo ujisi Mulumbe Wakwe.

¹⁹³ Amulange cindi Na kasaanguna kuboola aa nyika, a kotalika mulimo Wakwe, “O Rabbi mukubusyi, tula Ku yanda kuya mu mbungano yesu. Tula . . . Koolooa kunselelo kuno.” I Musinsimi mukubusyi. “Oh, tula Ku yanda kuno. Koolooa kuno.”

¹⁹⁴ Pele buzuba bumwi Wa kaima a kuti, “Mebo a Taata Wangu tuli Bomwe.”

¹⁹⁵ “Oh, ma! Wa amba kuba Leza Mwini.”

¹⁹⁶ “Mwa talya Mubili wa Mwana aa muntu a kunywa Bulowa Bwakwe, ta mukwe Buumi muli ndinywe.”

¹⁹⁷ “Ngu sikunywa malowa aabantu! Ta tukwe cakucita a ceeco.”

¹⁹⁸ Balo baapostolo baka kkala mpoonya awo; bali zyuulu baka Mu siya, pele abo baapostolo bakali salidwe ku Buumi. Wa kaamba obo. Tee bakakonzya ku Ci pandulula; baka Ci syoma. Ba kakkala ncobeni a Ncico nkaambo, kaamba, “Taakwe muntu uukonzya kucita milimo eyi.”

¹⁹⁹ Abalo bapaizi baka lizi eco. Nikodemo wakati, “Tu lizi” (nkamu ya Sanhedrini) “kuti taakwe muntu uukonzya kucita milimo eyi citakuti uzwa kwa Leza.” Mwabona?

²⁰⁰ Petro, ku Buzuba bwa Pentekoste, kati, “Jesu waku Nazareta, i Muntu waka tondezegwa aa Leza aakati kanu. Leza wakali a Nguwe.”

²⁰¹ Amulange mu Malembe, eco Malembe nca kaamba kuyo cita. Jesu wakati, “Amulingule Malembe, muli Ngawo muyeeya kuti mu jisi Buumi Butamani. Alo nga Ndi lungulula. Ikuti nomwa kamuziba Musa, nomwa Ndi ziba, nkambo Musa wakalemba kuti Ndiyo boola, mu ciimo eco nce Ndiyo boolela mo.” Wa kaboola kali Mwana wa muntu.

²⁰² Wa kaboola mu mazina otatwe, mbuli Leza. Otatwe (mbuli Taata, Mwana, a Muuya Uusalala), Leza nguwenya, mbube botatwe.

²⁰³ Lino mpawo, akwalo, kululamikwa, kusalazigwa . . . ; Luther, Martin, a—a i—a i Pentekoste; cintu nciconya: imbali zyoatatwe, zibeela zyoatatwe, makkalo aa mbungano otatwe.

204 Cintu nciconya: maanzi, bulowa, a muuya. Oh, mbuli biyo mbounka antoomwe, tuntu totatwe tu kujosya mu mubili. Mbuli mbo cikugwisya ku kuzyalwa kwa kunyama, kutondezya kuzyalwa kwa kumuuya. I muvwanda wazyalwa, cintu citaanzi maanzi, citobela mbulowa, elyo mpoonya buumi. Eyo nje nzila mbo boola mu Bwami bwa Leza, nzila njiyonya. Mwabona? Eyo nje nzila Mbungano mbo injila, nzila njiyonya. Cintu nciconya. Lino amubone ku zintu ezi zyoatatwe, Leza wabumba Wakwe . . . kabumba mubili Wakwe.

205 Lino tu jana kuti mukati omu, kuti uli jisi nguzu mu kusala kwako. Yebo ula sala musimbi ngo yanda ku kwata; ula kuzumina, ncibotu.

206 Mpawo cintu cimbi, uli jisi kusala naa uyanda kupona na to yandi kupona. Yebo ulasala lino aakati ka Buumi a lufu. Inga waponu.

207 Oyo musankwa wakali jisi kusala oko. Wa kali sikuzwidilila mu zintu zyoonse zimbi, muntu mukombi, pele wa kalizi kuti cindi eco . . . Wa ka caamba mwini, “Nda kabamba milao yoonse eyi kuzwa ni Nda kali mukubusyi,” pele wa kalizi kuteeti taka jisi Buumi Butamani. Mwabona? Elyo wa kali jisi kusala ku Bu tumbula na ku Bu kaka, nkabela waka Bu futatila. Oko kwakali kulubizya kubyaabi maningi nkwa kakonzya kusola kupanga. I cimwi ca ncico tii caka jisi makani. Ta ciciti, ta cikwe makani, citakuti wa bweza kusala Oko.

208 Lino atu mutobe ku kusala kwakwe, a kubona awo nko caka musololela. Lino, amubone oko nkwa kasala. Lino, amulange, wa kali—wa kali muntu muvubi, wa kali simpindu, wa kali mweendelezi, alimwi wa kali muntu mukombi. Koonse oko!

209 Sunu inga twaamba, “Musankwa, walo muna Methodisti wini, na Baptisti, na Pentekoste. Walo—walo mulombwana ncobeni, musankwa mubotu loko. Weebeka!” Taakwe cintu ncokonzya kwaamba ca nguwe; cabulongwe, mubotu, sibuleya, a zintu zyoonse. Taakwe bubi kujatikizya nguwe. Antela takali kufweba, kunywa, na kweendauka kuya ku zipekupu ku zizyano, alimwi kufumbwa cintu mbotunga twa ciita sunu, mbuli mbo tunga twa langanya Munakristo. Pele obo tabuli Buumi Butamani pe! Eco tacili ncico nco twaambaula. Antela wakali kusyomeka ku mbungano yakwe, mwalo antela mbwa kabede. Pele, nywebo mwabona, a ceeco nko caka musololela? Mpuwo mpati. Atwambe, ikuti na wakali mukambausi, na kabona . . . kajisi mbungano mbotu. Na kakonzya kuba mwaalu wa cooko na bishopo. Mwabona? Ca kusololela ku mpuwo, alimwi ca kamusololela ku buvubi a kuzibwa loko.

210 Inga cacita cintu nciconya sunu, uli jisi talenta mpati ya kwiimba. Nda yeeya muntu oyo mukubusyi kaindi kasyoonto kainda oyo waimba lwiimbo kuno; nzila mbwa kapa eco kuli dyabulosi, alimwi eno waka cibweza alimwi . . . Elyo mbo luli

Iwandaano akati ka nguwe a Elvis Presley a bamwi abo. Pat Boone, a nkamu mbuli eyo, Ernie Ford, balo balombwana, baimbi bapati; a kubweza matalenta abo, ayo matalenta aakapegwa aa Leza, a kwaabelesya ku nanika i—i milimo ya dyabulosi. Mbo mbubo. Mwiimbi umwi mulemu kasambala matalenta aakapegwa aa Leza nkambo ka kuzibwa kapati mu nyika eyi, kuba muntuumwi mulemu. Mbobuti mbo konzya kuba kumbi kwa “mubili” kwiinda mbo konzya kuba, kuba muntuumwi mulemu, kwiinda kuba mwana wa Leza?

²¹¹ Ta ndikwe makani na dolopo lyoonse ndilyako, nyika yoonse, elyo tona tambula busololi bwa Buumi Butamani kwiinda ku Muuya Uusalala (Kристо), mbobuti mbuya ku. . . Ino nduweni, nekuba? Uli cilenge cifwide, cifwide mu cibi a milandu! Mukombi mbuli mbo yanda kuba; mbuli uusyomeka mbuli mbo yanda kuba ku mbungano; mukambausi, ikuti na uyanda kuba mu cikambaukilo; pele kufutatila, uyofwa!

²¹² Wa kali sikuzwidilila mulemu. Wa kali sikuzwidilila kuno mu buumi obu. Masimpe. Tu mujana awo mpo tubona. . . Mpawo tu jana mulombwana oyu, oyo wakaunka. . . Tula mutobela asyoonto, nkabela twa mubona kaba sikuzwidilila mupati. Elyo tula mutobela moonse mu Bbaibbele. Tu jana kuti wa—wa. . . Tu mujana kuba muntu muvubi. Uli jisi masena mapati ncobeni obu, wa kali kusangabalisa mubetesi a mulinguzi wa dolopo, na kufumbwa zimbi. Uli pakamene aatala lya ciluli cakwe, nkabela waka jisi mapobwe mapati; a bamakaintu bakutauka, a banakazi, basimbi, a zintu zyoonse zimbi, kazimu zungulukide. Elyo kwakali mukumbizi waka kkedede ku mulyango, wakauidwe kuti Lazaro. Wa kali cupyaanga tufwefwelenga twakali kuwa kuzwa kuli nguwe. Tu likazi kaano. I cintu citobela, waba sikuzwidilila, mbuli biyo mabungano asunu mbwali mukuba.

²¹³ I simpindu kakkede awo, ka ndaambila, “Nkoonya kuno mu California, kuti mbungano yeelede kwaambila kabunga kaiminina babelesi eco cakucita.” Mwabona, cila boola kuba mbungano a cisi alimwi. Cili aali nduwe ncobeni. Yebo wabona, uli moonya mukati muya, nkabela uyo bweza caando ca munyama mukuta ciziba.

²¹⁴ Ikuti na wakasola kuula imwi ya mateepu angu, kojana eyi, cindi ni Nda sika—cindi Nda sika ku ng’anda, *I Mukondo Wa Nzoka*; elyo uyobona awo mpibede, kubona eci awo mpo cigolela. Ndiya ku ng’anda lino kuyo kanana, ikuti na Mwami wayanda. Utandila maora aali one, aboobo tii Nda uzwidilizya kuli umwi wa miswaangano mbuli oyu. Nde elede kuya kutala kuya oko mbungano nkoinga yandilekela kwa ciindi cilamfu loko, munzila yacamba. Amubone. Pele lino inga waswiilila ku teepu ciindicimwi mu ng’anda yako.

²¹⁵ Amubone eci, lino tu jana kuti wakali sikuzwidilila mulemu. Mpawo tula mujana kumane kusikila wakali sikuzwidilila

mulemu loko, mane wa kati, “Ndi jisi kunji maningi!” Musankwa, nakabamba kuba mulombwana wini ncobeni wa buzuba buno. Sa natakacita? “Alo matala angu azula pamu, ali mukupasauka. Elyo Ndi jisi maningi kusikila Nda kaamba, ‘Oh, muuya, ko lyookezya.’”

²¹⁶ Pele, eco nca kacita ku matalikilo, wa kaka busololi bwa Jesu Kristo. Mbungano yakwe, bupampu bwakwe, lwiiyo lwakwe, a zyoonse, zyaka musololela ku kuzwidilila. Boonse ba Juda baka mubotelwa. Wa kapa kuli mbabo, wa kabagwasya, antela wa kacita *eci*, *eco*, na *cimbi*. Pele, nywebo mwabona, wa kakaka i—i—i busololi bwa Jesu Kristo, Buumi Butamani. Elyo kuti . . . I Bbaibbele lyakati, Wa kati, “Yebo o mufubafuba, buntu bwako sunu masiku bula yandaulwa.”

²¹⁷ Elyo lino tu mujana kuti (busena butobela) mu gehena; ka tambya meso akwe alimwi kabona mukumbizi oyo, oyo ngwa kalekela kuba mu kagwagwa, kali mu camba ca Abrahamu. Ino nkulubila kubyaabi! Obo mambunga mbwa ka—ka—ka—ka—ka li kabotu mu nzila eyo nja kaunka, pele nekubaboobo taa kajisi Buumi Butamani.

²¹⁸ Cindi yeezya nkambauko nje Nda kakambauka kuno kutali ciindi cilamfu, *I Kasebyo Ka Muntu Musongo*. Antela mwakali ijisi. Nda kali kwiinka, kweenda kwindi mu zisaka, Nda kali kuvwima basikaale (ciindi eci cabutololo) nkabela nda kalanga ansi. Elyo, mu bwini, Ta ndikonzyi kwaamba kkampani ya tombwe. Nywebo mu liizyi. Elyo mpaawo kwa kabikkidwe i—i cipakete ca tombwe awo. Elyo Nda ka ciinda buyo, nke yandaula . . . mu zisaka. Elyo Nda kabona cipakete eco kaci bikkidwe awo, elyo Nda kacebuka alubo, kwa kati, “I kasebyo ka muntu musongo, kubotelwa kwa muntu uufweba.” Nda katalika biyo kuzumanana kweenda kwiinda mu zisaka.

²¹⁹ Elyo Muuya Uusalala wakati, “Konyona uka bweze eco.”

²²⁰ Nda katambika ansi a ku cibweza, “I kasebyo ka muntu musongo, kubotelwa kwa muntu uufweba.” Nda kayeeya, “Kkampani ya America kuno, kaisambala lufu kuciimo cakulicengeezya, kuli basicisi bayo bana America.” I kasebyo ka muntu musongo? Yebo . . . Akubotelwa kwa muntu uufweba?

²²¹ Nda kali ku Kutondezegwa kwa kuzwidilila kwazintu Kwanyika yoonse, a Yul Bryan . . . Brynner, a bamwi kutala kuya, cindi na kali kupa kusoleka oko koonse. Elyo obo mbwa kabikka musanga watombwe ku gwisya i . . . aa kambulu a kubweza i . . . Kapukuta nikotini a kwibikka kundelo ya mbeba, mbeba iituba, nkabela mu mazuba ali ciloba ya kazwide kkansa maningi cakuti tii yakonzya kweenda. Elyo ba lati, “Nywebo mulizi, baamba kuti ‘kasebyo,’” kati, “kalo nkooze, kusambala misanga yatombwe minji.”

²²² Ci tola nikotini munji loko kukkutya dyabulosi oyo. Mbo mbubo. Elyo cindi wafweba musanga watombwe uujisi kasebyo,

ci tola kutandila misanga yatombwe ili yone kubweza busena bwa omwe. Alo mancenjela a kusambala misanga yatombwe minji. To konzyi kuba a busi kakutakwe itwe; alimwi itwe, nkokuti ujisi kkansa. Mwabona nzila mbo cibede? Elyo bana America boofu, baka yandaula bubotu kuzwa ku busena buteelede, bayo cengwa kuli ncico. To konzyi kuba a ncico; lwalo ndufu, Ta ndikwe makani eyo nzila njounka, lwalo ndufu kufumbwa nzila njounka. “I kasebyo ka muntu musongo,” muntu musongo inga tafweba nokuceya, mbo mbubo, ikuti na ujisi mizeezo ili yoonse.

223 Ee, Nda kayeeya eco kuti inga ceendelana a mabungano. Mwabona? Nda yeeya, sa Leza ulijisi kasebyo? Iiyi.

224 Elyo mbungano zyoonse zili jisi kasebyo. Mbo mbubo. Bala seba boonse abo banjila kasebyo, nkabela balekela lufu lunji mukati akwalo.

225 Mbobuti mbokonzya kusola ku kwela kabungwe kwiinda mu Kasebyo ka Leza? Mbobuti mbonga wacicita? Mbobuti mbonga wakwela mwanakazi uujisi masusu ageledwe kwiinda mu Kasebyo ako? Nda ambile. Mbobuti mbonga wasola kukwela mwanakazi oyo uusama tulukwe kwinda Muya, kakuli “Ncisesemyo kuli nguwe kusama cikobela ca mwaalumi”? Mwabona, Kasebyo ka Leza inga kamujata kuya, Inga tee kamulekela kuti aboole mukati. (Pele mbungano ili jisi tusebyo twayo.) Aboobo Nda amba kuti kuli Kasebyo ka muntu musongo, ako kalo ndi Ijwi lya Leza, alimwi Ke elela kubotelwa kwa muntu uusalala. Mbo mbubo, muntu uusalala; kutali simbungano, pele kubotelwa kwa muntu uusalala. Kaambo Ndi Ijwi lya Leza linjoloma, lisetekene, alimwi lisalala! Kuli Kasebyo ka muntu musongo. Elyo oonse membala wa mbungano, Nda kukulwaizya kubelesya Ako komwe.

226 Nkaambo cila leta mu nyika, a mulwi omwe wa lufu. Mulwi omwe ula fufumuna, bumena bomwe buniini bula fufumuna mulwi oonse. “Kufumbwa muntu uyo gwisya Ijwi lyomwe kuzwa kuli Eli, na kuyungizya ijwi lyomwe kuli Ndilyo, cibeela cakwe ciyo gwisigwa ku Bbuku lya Bumi.”

227 Ku muunda wa Edeni, ncinzi cakapesya lufu, a buusu boonse obu, koonse kuciswa mitwe, muvwanda oonse muniini uuli mukufwa, kubaba koonse mu tumeneno, kulila koonse kwa ambulansi, zibbadela zyoonse, manaumbwe oonse? Nkaambo kakuti Eva wakazumbauzya Ijwi *lyomwe* (kutali lyonse lya Ndilyo), caka Li pilinganya buyo. Lino, Leza wakati, “Muntu,” kuya, “wa keelede kubamba Ijwi *lyoonse* lya Leza.” Lino, eelyo ndi taanzi ilya Bbaibbele.

228 Akati ka Bbaibbele, Jesu wakasika, elyo Wa kati, “Muntu taka poneni ku cinkwa cilikke, pele ku Ijwi *lyoonse* lizwa ku mulomo wa Leza.” Kutali cibeela buyo ca Ngawo, cita oonse.

229 Ku mamanino aa Bbaibbele, Ciyubunuzyo 22, Jesu wakapa bulunguluzi Bwakwe. I Ciyubunuzyo ca i—ca Bbaibbele ngu Jesu Kristo. Elyo Wa kati, “Kufumbwa muntu uugwisya Ijwi *lyomwe* kuzwa awa, na kuyungizya ijwi *lyomwe* kuli Ndilyo, cibeela cakwe ciyo gwisigwa ku Bbuku lya Buumi.”

230 Lino, koinda *omo* mu Kasebyo ka muntu musongo, uyooba a kubotelwa kwa muntu uusalala cindi wazwa Muya. Mbubo. Yebo uyooba a kubotelwa kwabusalali.

231 Mucizi, yebo no sama zisani ezyo, ko ciyeeya. Uyo yaku. . . Yebo wati, “Ndila salala ku mulumi wangu.” “Ndila salala ku mweenzuma musankwa.” “Ndili musimbi usalala.” Ino kai kujatikizya sizibi oyo waka kulanga? Cindi aakupa bwiinguzi ku bumambi, nguni waka cicita? Mwabona, uyooba a mulandu. Mwabona cili lembedwe mu Ijwi, aboobo cili i. . . Mwabona? Oh, koba mwanakazi musongo. Koba musongo. . .

232 Yebo inga wati, “Antela ci. . .” Ee, ino kuti cacitika kuba nzila eyo? Wa kaamba obo, nkabela Ijwi *lyomwe* talikonzyi kukakilwa. Mwabona?

233 I muntu mulemu waka ndaambila kutali ciindi cilamfu, waka ndiita mu kaanda kakwe, kati, “Ndiyo bikka maanza ali nduwe, Mukwesu Branham. Uli mukunyonganya mulimo wako, kukambauka zintu zili boobo.”

234 Nda kati, “Kufumbwa mulimo oyo Ijwi lya Leza ngo liyo nyonyoona, weelede kunyonyoonwa.” Mwabona?

235 Wa kati, “Njo bikka maanza ali nduwe.” Kati, “Yebo wa katumwa kukombela balwazi.”

236 Nda kati, “Sena ula syoma zintu ezyo, mukwesu?”

Wa kati, “Peepe. Pele taili ncito yesu.”

Nda kati, “Ni ncito yani, kai?” Mwabona?

“Ee,” wa kati, “eyo ni ncito ya mweembeli.”

237 Nda kati, “Kolanga ku mbunga.” Uh-huh. Mbubo. Mwabona?

238 Myaka yoonse Nda inda kandi kambauka zintu ezi, elyo Nda yeeya, “Ncobeni bala Li tambula,” mwaka utobela Nda joka, kuli banji kwiinda bakaliko. Mwabona? Mbubo. Ciinka kutondezya kuti “Banji balaitwa pele mbasyoonto basalidwe.”

239 I busololi ngu Muuya Uusalala, mweenzuma. Ula kusololela a ku kweenzuma mu Bwini boonse, cindi Walo Muuya Uusalala waboola. Lino amu ciyeeye. Amubweze Kasebyo ka muntu musongo, eelyo ndi Bbaibbele. Kutali kansiyansiya kanu, kutali mbungano yanu; muyo sweeka. Amubweze Kasebyo ka muntu musongo.

240 Mpaawo musankwa oyo mpa takayeeya. Wa kabweza kasebyo ka mbungano. Wa kaba simpuwo, muntu mulemu, “Pele mu gehena wa katambya meso akwe, mbwakali mu penzi.”

²⁴¹ Lino amubweze Kasebyo ka muntu musongo, Jesu Kristo, i Ijwi, elyo muyo sukamina kubotelwa kwa muntu uusalala, nkaambo Kayo kkutya eco. Ikuti na ujisi Muuya Uusalala muli nduwe, Eco cila cikkutya.

²⁴² Ikuti na Muuya Uusalala taumo pe, yebo wati, “Oh, ee, Ta ndi yeeyi kuti caamba lwandaano luli loonse.” Langa nco cita nkukonya kuya! Cintu nciconya Eva ncakacita. Yebo uli jokede nkoonya kubusena mbubonya.

²⁴³ Lino atu unke ambele mbiccaana. Lino atu bweze... siya muntu oyo awa, oyo waka tabelesa Kasebyo ka muntu musongo. Wa kakaka kutambula busololi bwa Jesu Kristo, ku Bumi Butamani.

²⁴⁴ Lino atu bweze muvubi uumbi, simpindu mukubusyi, mweendelezi ujisi ciimo ceelede nciconya eco muntu oyu nca kajisi. Elyo ku Ci tambula, wa katambula busololi bwa Kristo. Lino, kuli bobile babo mu Bbaibbele abo mbotuyo kanana. Oyo umwi twabona kuti waka Bu kaka, lino atu bweze muntu oyu: muvubi uumbi, simpindu mukubusyi, a mweendelezi. Elyo wa katambula Busololi.

²⁴⁵ I Malembe ala twaambila kujatikizya mulombwana oyu, ikuti na muyanda kuceengela, muba Hebrayo 11:23 kusikaku 29.

. . . Musa, ku lusyomo, *wakakaka kwiitwa kuti mwana wamwana musimbi iwa Farao;*

Wakasala kupenga i mafwabi aa Leza . . .

Wakeezezya kusampaulwa kwa Kristo kuba lubono lunji maningi kwiinda lubono loonse i lwa Egepita: . . .

²⁴⁶ Mwabona, wa katambula Bumi Butamani. Musa wakeezezya i—i—i kusampaulwa kwa Kristo kuba lubono lunji maningi kwiinda lubono loonse nyika ndoyi jisi. Musa wakeezezya Eco kuba cipati maningi. Lino, oyu muntu muvubi taka cita.

²⁴⁷ Elyo Musa wakali mweendelezi, muvubi mukubusyi, kuti abe Farao. Wa kali mwana wa Farao, alimwi wakali muswaana ku cuuno cabwami. Elyo wa kalanga koonse kuli zitakonzeki, nkamu yaba sikukanda daka, nkamu ya bazike. Pele ku lusyomo wa kabona cisyomezyo ca Leza, kwiinda mu Ijwi, “Kuti bantu bakwe bayo enda mu nyika nyenzu kwa myaka ili myaanda yone, pele bayo gwisigwa ku janza lya nguzu.” Elyo wakeezezya Eco (aleluya) kuba buvubi bunji maningi kwiinda lubono loonse lwa Egepita, nkambo wakasiya Egepita katazyi ankwakali kuya. Wa keenzengwa aa Kristo. Wa kasiya!

²⁴⁸ Elyo wakali talikide nzila yakwe ku cuuno cabwami, alimwi na kaba—kaba Farao uutobela mu Egepita. Pele wakeezezya kusampaulwa kwa Kristo. I kusampaulwa! Ku kwiitwa kuti “umwi uugambya,” kwiitwa kuti “sikwiindilizya,” kubweza busena bwakwe a basikukanda daka a basikwiindilizya;

nkaambo wa kabona eelyo oora, kuti Lugwalo lwaka syomezegwa kuzulizigwa, lwakali awo mpawo.

249 Elyo O mbungano, sinsimuka! Sa tokonzyi kubona cintu nciconya sunu masiku? I oora eelyo lyaka syomezegwa lili ali ndiswe. Kweezezya kusampaulwa kwa Jesu Kristo buvubi bunji loko kwiinda luswaanano lwa cintu cili coonse; ikuti na citola taata a baama, mbungano, kufumbwa cintu cimbi. Kutobela busololi bwa Muuya!

250 Atu tobele Kristo oyu ku syoonto, Musa oyu, kwa kaindi kasyoonto, oyo wakacita eco; atu langilile buumi bwakwe. I cintu citaanzi, cindi na katambula kubweza kusampaulwa kwa Kristo a kusiya lwiiyo lwakwe, kasiya busongo bwakwe boonse. . . Wa kayiisigwa mu busongo boonse bwa bana Egepita. Elyo mpuwo yakwe yoonse, cuuno cakwe cabwami, musako wakwe wabwami, bwaami bwakwe, musyini wakwe, zintu zyoonse nzya kajisi, wa kacikaka!

251 Elyo mulombwana oyu uumbi wa kacyianda, nkabela wakakaka Kristo; elyo muntu oyu wakakaka eco, a kutambula Kristo. Elyo cakufwambaana ncinzi cakacitika? Wa ka lyandaanya.

252 Aleluya! I bbala lyaamba kuti “Alumbwe Leza wesu!” Ncibyaabi loko kuti tuli mukuliluba.

253 Wa kakaka zyuuno zya bwami a mpuwo. Na kakonzya kuba a basimbi bakubusyi kwiinda i . . . bamakaintu kwiinda ku myaanda, alimwi na kakonzya kuba a tubanda kungsi i . . . Baa, Egepita yakali kweendelezya nyika. I nyika yakali bikkidwe nkoonya kubweendelezi bakwe, elyo wa kali muswaana ku cibeela coonse cayo. Pele kwiinda ku kulanga mu Lugwalo a kubona buzuba mbwakali kupona mo, nkabela wakaziba kuti Cintucimwi muli nguwe, eyo Mbuto yakakanzwa iya Leza yakatalika kubeleka!

254 Ta ndikwe makani obo mboli simpuwo mbuli mbo konzya kuba, na obo *eci* yebo mbo konzya kuba, yebo inga waba mwaalu, yebo inga waba mweembeli, yebo inga waba *eci*, *eco*, na *cimbi*, pele ikuti na Ijwi eelyo lya Buumi Butamani kwiinda ku Ijwi lya Leza lyakasalwa kale muli nduwe, nkabela wabona cintu cili afwaafwi, lila talika kubeleka, kweenda koonse mbuli obo. [Mukwesu Branham wanontola kanwe kakwe ziindi zikubwene—Mul.] Kutalika kulibonya! Kutali ka ku Bu jana!

255 Elyo wa kakaka kwiitwa kuti mwana wamwana musimbi wa Farao, nkaambo wa keezezya kusampaulwa kwa Kristo lubono lunji maningi kwiinda buvubi boonse ibwa Egepita na nyika. Wa keezezya Eco. Amulangilile eco nca kacita, waka Ci tobela. Kukumanizya, kufwambaana wa katandwa kuzwa ku bantu bakwe, bantu abo bakali kumuyanda.

²⁵⁶ Inga cakunyanzya zintu zyoonse nzo jisi. Inga cakunyanzya muunzi wako, Inga cakunyanzya bulongwe bwako, Inga cakunyanzya nsangano ya kwiiya zya ntali a kusuma, Inga cakunyanzya busena bwako ku Kiwanis. Inga cacita. Ta ndizi eco Nce ciyo kunyanzya, pele Ciyo kunyanzya zintu zyoonse ezyo zyanyika na zizatikizya nyika. Uyo lyandaanya ku zintu zyoonse zyanyika. Uyo cicita.

²⁵⁷ Musa waka bikka aambali zintu zyoonse a kuunka mu lukula a musako mu janza lyakwe. Ameni! Mazuba a mazuba akainda. Elyo ndalibuzya ikuti na wakayeeya kuti waka lubizya? Peepe.

²⁵⁸ Ziindi zinji bantu bala talika incito, alimwi balati, “Oh, Njo icita. Bulemu kuli Leza, Nda Ci bona!” Kolekela muntuumwi akuseke a ku kufuubazya, “Antela Nda kalubizya.”

²⁵⁹ Wa kati, “Abo batakonzyi kuzumina kukomwa mbana bamusokwe nkabela tabali bana ba Leza.” Mwabona, baka nyanyamukwa mu kulimvwa. Mwabona, mbuto eyo nje Ndali kwaambaula kaindi kainda, obo buntu teebwa kaliko ku kutalika. Bwa kananikwa a Muuya, elyo wa kacita misyobo yoonse. Oh, nywebo, bala... Cindi muuya wako wananikwa, inga wa... Walo Muuya Uusalala, wini ncobeni, nkabela inga kocili dyabulosi.

²⁶⁰ “Oh,” yebo wati, “Mukwesu Branham!”

²⁶¹ Basinsimi babeji! I Bbaibbele lyakati, “Ku mazuba aku mamanino kuyooba basinsimi babeji.” Jesu wakati, “Kuyo buka bakristo babeji.” Kutali “Bajesu babeji,” lino, taakwe muntu uuima nji kuli eco; pele “bakristo babeji.” *Kristo* caamba “bamwi bananikidwe.” Bananikidwe cabubeji; bali nanikidwe, pele mbabeji kunzila yamulao, nkabela bala cita zitondezyo zipati a zigambyo, kwaambaula mu myaambo, kuzyana mu Muuya, kukambauka Makani mabotu.

²⁶² Judasi Iskarioti waka cicita! Simeoni...na pe, Mu ndijatile... Kayafasi wakasinsima! Balamu, sikuupaupa! Masimpe, kacita zitondezyo zyoonse, zintu zyoonse, milimo yoonse ya bukombi.

²⁶³ Pele, nywebo mwabona, wabikka mbuto ya nsoke a mbuto ya whiiti mu mubunda omwe a kutila maanzi ansi aali nzizyo a kuzinanika, zyoonse ziyo tangala. Zyoonse ziyo komena kuli ngawo, maanzi ngaonya. “I zuba lilabala ku baluleme a bataluleme, a mvula ilawida baluleme a bataluleme, pele kwiinda ku micelo yabo muyo baziba.” Mbobuti mbo konzya kukakilwa kweendelana a Ijwi? Ameni. Mwabona eco nco Nda amba? “I maanzi alawida baluleme a bataluleme,” bananikidwe.

²⁶⁴ Jesu wakati, “Bayo boola kuli Ndime mu buzuba obo, kwaamba, ‘Mwami! Mwami! Sena tee Nda katanda badyabulosi? Sena tee Nda kasinsima? Sena tee Nda kacita zintu zipati mu Zina Lyako?’” Walo uyooti, “Nywebo noba similimo mibi,

amuzwe kuli Ndime, Ta ndi muzi akwalo. Kamuya mu gehena iitamani eyo yakabambilwa dyabulosi a baangelo bakwe.” Nywebo mwabona? Ino ndi Ijwi! Cabubeji. Kukomba mubuyo, kukakatila camulimo mubuyo. Nkaambonzi nco cita eco kakuli to cijisi pe? Nkaambonzi ncobweza ciiminizyo kakuli Majulu a zwide zyakasimpe? Mwabona? Yebo toelede kucita eco.

²⁶⁵ Lino tula jana kuti Musa wakali nanikidwe, taakwe cintu cakali kukonzya kumujosya. Babunyina bakwe beni baka mukaka; eco te cakamulesya. Wa kazumanana ncobeni kuya mu nkanda. Elyo buzuba bumwi kubusena kuya, wa kaswaana Leza busyu a busyu, antoomwe a Musumpululu wa Mulilo kaulengelela musokwe. Kati, “Musa, samununa mabbusu aako, busena bwako mpويمw Bulasalala. Nkambo Nda swiilila kulila kwa bantu Bangu, nkabela Nda swiilila kutongela kwabo, elyo Nda ibaluka cisyomezyo ca Ijwi Lyangu. Elyo Nda seluka ansi, Ndiyo kutuma ku musanza kuti ukaba gwisye.” Masimpe. Wa kaswaana Leza busyu ku busyu, wa kaambaula a Nguwe. Wa katumwa aa Leza.

²⁶⁶ Leza wakajoka ncobeni, oyo nguonya Musumpululu wa Mulilo, a kusimpikizya musinsimi oyo kaimvwi nkoonya kuya aatala Iya cilundu; kutondezya kuti cakali ncico, cindi Na kabweza maanza aakwe a kucita misyobo yoonse ya maleele a zintu. Oh, bakali jisi basikulikozyanisya. Oh, ncobeni. Kwakali Jambre a Janesi, bakaima koonse ncobeni, kucita cintu nciconya ncoba kacita. Pele nguni wakali mutaanzi? Mwabona? Nkokuli nko cakatalikila? Sena cakatalikila ku Ijwi? Sa lyakali oora?

²⁶⁷ Elyo sa mulizi kuti cintu nciconya caka syomezegwa alimwi ku mazuba aaku mamanino? “Mbuli Jambre Janesi mboba kakazya Musa, mbubonya mba bayocita bantu aba, ba muzeezo wabuzangi kujatikizya Bwini.” Mwabona, mu mazuba aku mamanino. Elyo kucita cintu nciconya, (kwiiya zintu zyoonse), kuzumanana moonya mu cigelo nciyonya, “Ngulube kaijokela ku timba yayo, a mubwa ku malusi akwe.”

²⁶⁸ Nywebo noba Pentekoste bakazwa ku tubunga oto myaka yainda a ku tusinganya, bamauso a manyokwe; elyo mwa jokela nkoonya a kucita cintu nciconya eco nco bakacita, alimwi lino buyo ntimba njiyonya a malusi. Mwabona? Ikuti na cakabamba Mbungano kuciluka mu bukkalo butaanzi bwa Pentekoste, ciyo Ci bamba kuciluka alimwi sunu. Mwabona? Ci leelede kuba, nekuba, calo ncikwa, ceelede kusika. I ngalala taikonzyi kuba imwi ilikke; cikwa ceelede kusika, mwabona, ciyumwido. Lino tu pona mu mazuba aku *mamanino*, amulangilile zintu ezyo zyaka syomezegwa ku oora.

²⁶⁹ Amulangilile Musa oyu katondezegwa. Kuziba! Cindi nakaunka kuya, bamwi babunyina bakwe beni baka mulwana, bakalikuyanda kupanga kabunga. Ba kati, “Uli lemeka mbuli kuti uli muntu olikke uusalala aakati kesu.” “I mbunga yoonse

ilasalala,” kaamba Kora, Datani. “Atu sale bantu a kucita cintucimwi.”

270 Musa, wa . . . Nda kamufwida nsoni. Wa kaunka ku musanza, kati, “Mwami . . .” Kawida kumbele lya cipaililo a kwaamba, “Mwami!”

271 Leza wakati, “Kolyandaanya kuli mbabo. Nda cimwa kuli ncico.” Wakajula buyo nyika a kubamena. Kwa mana. Mwabona, wa kalizi kutumwa kwakwe.

272 Leza tabeleki a tubunga, Ta beleki a inkamu. Walo ubeleka a muntu amuntu. Mbo mbubo. Lyoonse. Kutali mu inkamu; muntu amuntu, imuntu omwe. Mu mazuba aku mamanino, Wa kati, “Nda ima aa mulyango a kukonkomona, elyo kufumbwa muntu . . .” (kutali “kufumbwa nkamu”) “. . . kufumbwa muntu uyo mvwa Jwi Lyangu, Njo . . . a ku Ndi mvwa, Njo njila kuli nguwe a kulalila.” Mwabona, “Ikuti kufumbwa muntu wakonzya ku mvwa.”

273 Mbo buti—mbo buti maikrofooni eyi lino mboikonzya kuleta jwi lyangu koonse kuya citakuti yaka bambwa kuba boobo? Inga ndaongolola ku boodi eeli, nguzu zyangu zyoonse, nkabela inga tii yacita cintu. Nkaambo eyi ili salidwe, a kubambwa, lengwa, maikrofooni. Elyo ikuti na Ijwi lya Leza lili muli nduwe kuzwa ku kukanzwa kale ikwa Leza, muli nduwe, “Mbelele zyangu zila mvwa Jwi Lyangu. Zilizi oora Lyangu. I mweenzu tazi kamutobeli pe.” Mwabona? Ceelede kuba citaanzi eco. “Boonse abo Taata mba ka Ndi pa, bayo boola.” Umwi aumwi wabo, mwabona.

274 Lino ula zumanana, ku mamanino a buumi awa. Wa kaindlelila biyo . . . Amubone cindi na kaboola ku mamanino aa lweendo lwakwe.

275 Elyo tuli mukujala lino nkaambo ciindi ciya bumana, maminiti aali makumi obile aosanwe kutandila teni. Amubone. Lino, ku ng’anda oko nkufuma. Kutandila tuu na thrii okuloko tu talika kwaamba kuti, “Yawe, ciindi ciya bumana aniini.” Mwabona? Mwabona? Pele lino, Nda kakambauka masiku manji, busiku boonse.

276 Paulo wakakambauka aya Makani mabotu ngaonya mu buzuba bwakwe, nkabela muntu mukubusyi wakawa kuzwa ku—ku bwaanda a kulijaya. Elyo Paulo, a bunanike mbubonya, a Makani mabotu ngaonya, wakalazika mubili wakwe aali nguwe, wa kajoka ku buumi. Baka botelwa. I mbungano yakali kupangwa. Cintucimwi cakali kucitika. Amubone eco cakacitika kuno.

277 Musa, cindi na kainka kumusanza . . .

278 Oyu muntu movubi, cindi na kaboola, na, mweendelezi mukubusyi ngo twa kanana, bakombi boonse, alimwi wakali kuzulilwa ku mbungano a zintu zyoonse, mubotu, wakayiide,

simpindu mubotu, a zintu zyoonse, cindi na kaboola ku mamanino a lweendo lwakwe, wa katalika kukwiila, “Taakwe aa kulyatila!” Buli kuli busololi bwakwe? Wa keenzegwa aa mbungano yakwe, eyo iifwide. Wa keenzegwa aa nyika iifwide, nkabela kwakanyina cintu kuli nguwe ca kunjila pele eco nyika ncoya kabambilide: gehena.

²⁷⁹ Pele awa kwaboola Musa, mulanda uusyomeka oyo wakeezeezya kusampaulwa kwa Kristo kuba lubono lunji maningi kwiinda buvubi boonse ibwa Egepita. Wa kaboola ku mamanino aa lweendo lwakwe, muntu mudaala, myaka iili mwaanda a makumi aali obile yakukomena. Wakeenda kuya aatala lya cilundu, nkabela wa kalizi kuti lufu lwakali lede kumbele lyakwe, nkabela wa kalanga moonse mu nyika ya cisyomezyo. Elyo wa kalanga; cakabikkidwe kuya kumbali lyakwe, kwakali Musololi wakwe, Mwaala. Wa katanta aa Mwaala, nkabela Baangelo ba Leza baka mubweza kumutola mu Bulemu—Bulemu bwa Leza, mu camba ca Leza. Nkaambonzi? Kumane myaka iili myaanda ya lusele, wa kacili kusololelwa aa Musololi wakwe.

²⁸⁰ Tula mujana kuya ku Cilundu ca Kusandulwa, kaimvwi kuya a Eliya, kaambaula kuli Jesu ka Tana kwiinka ku ciingano, myaka iili myaanda ya lusele kuzwa ku lufu. I—i Umwi oyo ngwa keezezya, kusampaulwa kwa mulimo wakwe, lubono lunji maningi kwiinda mpuwo yoonse ya nyika a mali oonse aa nyika, Musololi wakwe wakacili ku musololela. Oh, ma! Wa kasololelwa! Musololi Wakwe, Wa kasolola kwiinda mu lufu, zimvule zya lufu. Wa kasololelwa kuya ku cuumbwe. Myaka iili myaanda niya kainda, ngooyo wakaliimvwi alubo nkaambo, mbuli mukubusyi wakwe, wa kasala busololi bwa Muuya Uusalala. Zina lyakwe liyooba a bulemu cindi kwa ta cinooli Egepita na lubono. Cindi ma piramidi aanojisi lusuko, alimwi cindi Egepita yata cinooli Egepita, Musa uyooba u tafwiki aakati ka bantu nkaambo wa katambula busololi bwa Kristo mubusena bwa kuunka ku nzila mbungano yakwe mboya kaunka.

²⁸¹ Kuli bamwi abo bakacita cintu neiconya. Amu lange Enoki. Wa keenda a Leza kwa myaka iili myaanda yosanwe, alimwi mpoonya wa kajisi bulunguluzi bwakuti “Wa kabotezya Leza.” Leza waka cizibya, a kwaamba, “To ciyandiki kufwa pe, koboola biyo kutala ku Muunzi sunu isikati.” Elyo wa katanta.

²⁸² Elyo Eliya. Kumane kubwekela banakazi baka geledwe masusu a zintu zyoonse, mbuli mbwa kacita mu buzuba bwakwe, ba Jezebeli kabanamide misila, na kamana kucimwa loko kuli ncico, elyo—elyo naka mana kucita zyoonse nzyakali kukonzya, a bapaizi boonse kaba mufubaazya, a zintu zyoonse zimbi, wa keenda kunselelo ku mulonga buzuba bumwi. Elyo kuzabuka buyo mulonga kwakali mbizi zya kaangidwe ku citeo kuya, nkalaki ya mulilo a mbizi zya mulilo. Wa katanta awo, a kuwaala

cikobela cakwe ku musinsimi siku mutobela, a kutanta kuya ku Julu. Wa katambula busololi bwa Buumi Butamani, nkaambo wa kali Kristo oyo wakali muli Eliya. Oh! Iiyi, munene!

²⁸³ Ino cakali cinzi? “Ko Nditobela!” Lino mweelede kusala musololi *wanu*. Nywebo mweelede ku musala, beenzuma. Amu lange mu gilazi lya Leza, i Bbaibbele, a kubona awo mpo mubede sunu masiku.

²⁸⁴ I kaano kaniini. I mwana muniini, ciindi cimwi, wakali kupona kuya mu cisi. Taakwe naka bwene ciboniboni, nkabela wa kaboola mu dolopo kuzobona mucizi wa banyina. Elyo waa kajisi muunzi. . . alimwi maanda a bubambe bwa kaindi bwakali kunga bujisi ciboniboni aa citendele; Ta ndizi naa mula yeeya eco na pe. Pele musankwa oyu muniini, taakwe nakalina bona ciboniboni. Aboobo wa kali kusobana ku ng’anda koonse, nkabela wa kalanga mu. . . “Huh?” Wa kalanga ku musankwa oyo muniini. Elyo wa katambika, a musankwa muniini waka tambika. Elyo wa kakwela kutwi kwakwe, a musankwa muniini waka kwela kutwi kwakwe. Elyo kuzumanana mbuli obo. Wa kazumanana kweenda kumbele, mumsi, nkabela wa kanyona a kwaamba, “Baama! Nde ndime!” Nde ndime.

²⁸⁵ Ino *yebo* uboneka buti? Ino *yebo* utobela nzi? Ino twa cita nzi? Yebo weelede kusala *musololi* wako. Kosala sunu. Yebo ulasala Buumi na lufu. Kusala kwako kuyo bamba nkuya kwako Kutamana, eco nco sala. Amuyeeye, Jesu wakati, “Ko Nditobela.” Elyo wa tambwa sunu masiku kucita boobo. Elyo ku Mu tobela kuyaku Buumi Butamani yebo weelede kuboola ku zyelelo Zyakwe zizumizigwa, mbo mbubo, i Ijwi. Kutali ku kansiyansiya, kutali ku muzeezo wa buleya, kutali kuli eco muntu umwi nca yeeya kujatikizya Ncico, pele kuli eco Leza nca kaamba kujatikizya Ncico.

²⁸⁶ Yebo wati, “Ee, Mukwesu Branham, Ndi muzyi mwanakazi kabotu buyo mbuli mbwa konzya kuba, ula cita *eci*. Ndi muzyi mwaalumi oyo waka inda muli *eci*.”

²⁸⁷ Ta ndikonzyi kucinca eco nco bakacita. Ijwi lya Leza, Wa kati, “Amuleke ijwi lya muntu lyoonse libe bubeji, pele Lyangu libe Bwini.” Yebo weelede kuboola ku mabambe Akwe, ku boola ku milazyo Yakwe, i Ijwi. Yebo tokonzyi kuboola kwiinda mu kansiyansiya. Yebo tokonzyi kuboola kwiinda mu kabungwe. Yebo tokonzyi ku Li sanganya mbuli obo. Kuli cintu comwe luzutu nco konzya kucita: nku Li tambula ku mabambe Akwe, cakuti uli libambilide kufwa kuli lwako a ku mizeezo yako yoonse, a kutobela Nguwe. “Kogwisya zintu zyoonse izya nyika, a ku Ndi tobela.”

²⁸⁸ Ndi lizi oyo Mulumbe, mukali ulabambulula, mukwesu. Pele tee Nda boola kuno a kusala i—i mulumbe ku bantu kusola buyo ku babamba kwiimba, kuyobeka, koongolola. Nda kali mu miswaangano ya bahedeni oko nko bakacita cintu nciconya.

Ndi bikkila maanu ku buumi bwanu. Ndili muzike wa Leza oyo weelede kuyoopo bwiinguzi kuli Leza buzuba bumwi, a mulimo oyo Mwami ngwa kandipa wakali simpikizya wini zyuulu zya ziindi kumbele lyanu.

²⁸⁹ Amuyeeye, Jesu wakati, “Ko Nditobela. Ko Nditobela. Kogwisya eco nco jisi, nkabela ko Nditobela.” Elyo eyo nje nzila biyo yakuba a Buumi Butamani. Obo mbo busilike Mbwa kapa muntu oyu, bwakali busilike bulikke Mbwa kapa simpindu oyu, mbo busilike biyo Mbwa pa kufumbwa muntu. Kusala kwakwe, Ula bamba muzeezo Wakwe, uli londokede ziindi zyoonse. Elyo twe elede ku *Mu* tobelu, nje nzila biyo yakuba a Buumi Butamani. Aboobo busololi bwa Leza ngu: kotobela Ijwi lyaka simpikizigwa ilya oora kwiinda ku Muuya Uusalala.

Atu kotamike mitwe yesu.

²⁹⁰ Ndiyo buzya mubuzyo, elyo Ndi yanda kuti musinizye ncobeni. Ndi yanda mucizi kuti anduumine olo, *Inga Nda Mwva Mufutuli Wangu Kaita*. Ndi lizi kuti ndwiito lwa ku cipaililo lwa cilengwa cakaindi. Elyo mukwesu, mucizi, mbuli mbo tubona, kolanga biyo cili mukucitika sunu. Lino a mitwe yanu kiikoteme, amuyeeye biyo kwa kaindi kaniini, langa kuli eco cili mukucitika.

²⁹¹ Sena mwakabala mu mutende wa mvwiki yainda eco muntu oyo mu England nca kaamba? Kuti, “I kubambulwa kwa Jesu Kristo kwakali biyo kwabubeji, kwa kabambwa biyo aakati ka Pilato a Nguwe.”

²⁹² Sena mwakabona eco oyu silwiiyo lwabukombi muna America nca kaamba? Wa kati “Jesu wakabambwa biyo koonu kwiinda civuna ca mandiraki.” Bunji bwanu no basilwiiyo lwabukombi mulizi, kaindi kuya ku Matalikilo oko nko lyaamba civuna ca mandiraki. Inga yakupa koonu mbuli kuti ulifwide, moyo wako uno duntaana biyo aniini kwa mazuba obile na otatwe ku ciindi. “Elyo cindi nibaka Mu pa viniga a ndulwe,” ba kati, “eco cakali civuna ca mandiraki. Elyo baka Mu bikka kuya mu kabanda, nkabela Wa koonu kuya kwa mazuba otatwe. Elyo, mubwini, cindi niba kaunka kutala kuya, baka Mu jana keenda koonse.” Sa inga mwayeeyela eco? Basilwiiyo lwazyabukombi, maseminari, kutasyoma. Mpawo mbobuti mu nyika... Busena butaanzi, Bbaibbele lyakati Wa kaukaka, cindi niba kabikka viniga a ndulwe mu mulomo Wakwe.

²⁹³ Elyo cintu cimbi, ikuti na cili obo, mpoonya nkaambonzi basikwiiya abo “balo bakaboola a ku Mu bba,” nkaambonzi nco bakapa buumi bwabo muciiimo cakujaigwa nkambo ka buzumini Bwakwe? Elyo bakawa, teeba kalibala akwalo kweelela kufwa mbuli Mbwa kafwa; baka bapindamuna a kubabikka ku mabazu aa ziingano a zintu. Elyo ikuti no bakali... lizi kuti Wa kali sikuupaupa a lwabo kuba basikuupaupa, mbobuti mbo banga bapa buumi bwabo nkambo ka Nguwe mbuli boobo?

²⁹⁴ Oh, nywebo mwabona, mbuzuba bwa bupampu obo mbo tuponamo. Lwiiyo, lusumpuko, a bweende bupya bwa buzuba, boonse mbwa dyabulosi. “Lusumpuko ndwa dyabulosi?” Iiyi, munene! I Bbaibbele lyakati mbo cibede. Olu lusumpuko lujisi lufu. “Sa tuyooba a lusumpuko mbuli olu mu nyika imbi?” Peepe, munene! Tu yooba a musyobo wandeene wa lusumpuko. Lwiiyo, zintu ezyo zyoonse, nzya dyabulosi; sayansi yakampilinganya zintu zyabulenge, kubamba cintucimwi cimbi.

²⁹⁵ Amu lange eco ncoba kamucitila mpawo. Cindi balindu bakubusyi... I *Reader ya Digest* wakati, mvwiki yainda... mweezi kunze awa mana, Nda syoma mbo cakabede. I *Reader ya Digest* ya kaamba kuti “Baalumi bakubusyi a banakazi bakubusyi balainda mu kukomena kwaakati, banakazi mukubelula aakati ka myaka ili makumi obile a makumi obile ayosanwe yakukomena.” Nzyalani imwi iimbi, taba kabi cintu pele... Ciyu boneka bubyaaabi. Mwabona? Ziyoooba zilenge zili buti, ziteteete, ma. Amu lange ku i—lange ku muuya, amu lange mboubede muuya mu mbungano ngo ijisi, kutintanya, bakasangana munkwato a nyika. Oh, ino ndi oora! Amutije, nobana! Amutije! Amutije kuya ku Ciingano! Amuboole kuli Kristo, amu Mu leke amusololele.

²⁹⁶ Kuciindi notu kotamika mitwe yesu, meso esu kajalidwe, alimwi kaka amukotamike moyo wanu, cindi nciconya. Sa mulacita? Ndi yanda kumubuzya mubuzyo. Sena mula lilanga lwanu, kuli Leza? Elyo sa mulimvwa kuti tamuli oko nko—nko mweelede kuba oora eli? Nkaambo Kukwempwa inga kwasika kufumbwa ciindi. Mwabona, kuyo sika.

²⁹⁷ Kuyooba buyo, ikuti—ikuti kaambo ako nke Nda amba kaindi kaniini kainda kali bwini, kuyooba buyo batandila ku bantu bali myaanda yosanwe mu Kukwempwa, abo baumi, kuyooba kucincwa. Baa, kusanganya inkamu yoonse Yabunakristo antoonwe, Katolika a boonse, kuyooba buyo bantu bali mamilioni ali myaanda yosanwe, mwabona, bataminina Bunakristo. Elyo omwe kuzwa mu milioni, kuba bantu bali myaanda yosanwe. Kunooli bantu banji basweeka mazuba oonse, koonse ku nyika, abo mbo tu takonzyi akwalo kubapeda bulunguluzi. Mwabona, kuyo sika, nkabela tamu kakuzibi akwalo. Bantu bayo zumanana kukambauka, a kwaamba... Mwabona, alimwi kuno citikide kale koonse.

²⁹⁸ Mbuli Jesu mbwa kaamba. Ba kati, basikwiiya bakati, “Nkaambonzi balembe balaamba, bati, ‘Eliasi weelede kusaanguna kuboola?’”

²⁹⁹ Wa kati, “Wa sika kale nkabela tee mwaka muziba, pele baka mucitila eco nco bakaamba kuti bayocita.”

³⁰⁰ Yebo ulizi kuti toluleme kuli Leza, nkabela uyanda kuti uyeeyegwe mu... kuli Leza, kuteeti Leza uyobamba moyo wako kululama kuli Leza. Sa inga biyo cabubombe lino, mu ciindi

eci nciconya cabutontozi, amu nyamune maanza anu mujulu? Ta ndikwe makani na nduweni, sa inga wacita? Yebo wati, “Njo nyamuna maanza angu kuli Leza.” Leza amu longezeze. Leza amu longezeze.

³⁰¹ Sena ulangide mu Ciboniboni? Nda kubuzya mu Zina Iya Kristo, sena ulangide mu Ciboniboni ca Leza? [I mukwesu waambaula mu mwaambo. I mukwesu wapa bupanduluzi—Mul.] Ameni.

³⁰² Ndi yanda kubuzya cintu comwe. Mbangaye muno ba Pentekoste? Tambika janza Iyako, ba Pentekoste. Kutandila nyoonse wanu. Lino, mbangaye muno bataminina kuba Banakristo? Tambika maanza ako, kufumbwa awo mpobede, utaminina kuba Munakristo. Sena mwakalizi Bbaibbele Iya kaamba eci, kuti eci ciyo citika?

³⁰³ Akwalo eci cakacitika mu Cizuminano Cakale cindi noba kali kuyeeya eco ncoba keelede kucita, obo mbo bakali kukonzya kuzwa kuzungulukwa kwa busaale obo bwakali kuboola. I Muuya wakawida aa muntu nkabela wakasinsima a ku baambila awo akuswaana sinkondo, a nzila, eco cakuzunda sinkondo. Eco cakali Cizuminano Cakale, mbubonya mbuli Cipy.

³⁰⁴ Lino, muntuumwi inga wati, “Oyo muntu, oh, eco tii cakali boobo.” Pele ino kuti eci cili boobo? Yebo wati, “Oh, Nda ka cimvwa kale eco.” Pele ino kuti eci cili boobu? Yebo wabona, eco cilatondezya mpoonya kuti muno kuli banji abo bayandika kucinwa moyo, ikuti na oyo Muuya Uusalala uukanana. Kuli zintu ezyo zyeede kucitwa, aboobo lino cili a nduwe.

Buyo mbuli Mbondibede, takukwe nkumbizyo
yomwe,
Pele kuti Bulowa Bwako bwaka tililwa ndime,
Elyo kuti Yebo ulalailila . . .

Eco ncencico, Wa kakwiita buyo mpawo.

. . . kuli Nduwe,
O Mwanaambebele wa Leza, . . .

“Njo gwisya moyo oyo wacinguni, a kubikka moyo wanyama muli ncico, oyo uyo lipa kuli Ndime.” Mwabona?

. . . boola!
Buyo mbuli Mbo ndibede, Uyo ndi tambula,
Ndi . . .

Sa inga wabamba kusala kwako sunu masiku? Yebo inga wacita comwe ncoyanda.

. . . sanzya.

Yebo wati, “Nda kamvwa eco kale.” Pele eci inga caba ciindi cako ca *mamanino* ku Ci mvwa.

Nkaambo cisyomezyo Cako Nda cisyoma,

I lwiito lwaku cipaililo lwa cilengwa cakaindi, lwakaba ciyanza cakabbuluka sunu, pele Leza ucibeleka muli nzizyo. Sa tamu konzyi ku Ci mvwa kabeleka kuli ndinywe, mbungano?

. . . Nda boola!

³⁰⁵ [Mukwesu Branham watalila kung'ung'una *Buyo Mbuli Mbo Ndibede*—Mul.] Oh, yeeya, sunu, myoyo iya bbwe, a kuzulwa nyika, kancimwa, basimbungano, kukasaala, mbuli mweendelezi, oyo, movubi mukubusyi; a kutaziba kuti Muuya Uusalala mulemu uliimvwi, a kukonkomona ku mulyango mu Bukkalo obu bwa Laodikeya. “Oyo uumvwa Jwi Lyangu (i Ijwi), uyo jula moyo wakwe, Njo njila muli nguwe a kulalila a nguwe.”

³⁰⁶ Elyo Muuya kuambaula kwiinda mu mukwesu oyu maminiti masyoonto ainda, wati, “Njo gwisya moyo oyo wa bbwe kuzwa kuli ndinywe, aku mupa moyo wanyama, wabuuya kuli Leza.” Amu lange obo mbo caba lino, buyo i—i kwabupampu, kulimvwa. Mwabona? Kutali moyo wabuuya uuzwide luyando a bubotu kuli Kristo.

³⁰⁷ [Mukwesu Branham watalika kung'ung'una kaimbo—Mul.] Sena to yandi musyobo oyo wa moyo? Mbobuti mboya kulanganya Kristo a muyeeyo wa bupampu kuli Nguwe? Yebo weelede kutambula Buumi Butamani.

. . . bwakatilwa . . .

I kulibambila kwakacitwa kwiinda mu Bulowa.

Elyo kuti Yebo walailila . . .

Ino Wa kacita nzi? Katila Bulowa Bwakwe. Elyo lino ula kulailila, “Boola.”

. . . kuli Nduwe,

O Mwanaambebele wa Leza, Nda boola! Nda boola!

³⁰⁸ Atu, umwi aumwi Munakristo, tambika buyo maanza ako cabutontonzi lino a kukomba.

³⁰⁹ O Leza, kaka, Mwami, jata buzuba buno mbo tuponamo. Oh, neiyumu loko, Taata. Saatani wacita biyo kunji maningi ku bantu. Myoyo yabo yaba bbwe. Muuya Wako waamba acamba ncobeni; Ijwi Lyako lyasika kumbele, kusimpikizya; pele luzibo lwa kuzyalululwa kwa, cilengwa cakaindi, bali . . . luyabuba muyeeyo wabupampu, watubungwe, akulizya nyimbo kunji, koongolola kunji, a ku kwankana kunji. Pele, kasimpe, moyo oyo wanyama, Muuya oyo, obo Buumi Butamani, Cili masimpe kuba ceenzu ku mbungano.

³¹⁰ Leza, cinyonganya moyo wangu wini, alimwi mebo i—i sizibi wakafutulwa ku luzyalo Lwako. Ci ndibamba kulimvwa bubi maningi, Taata, kubona mbungano eyo Njo kafwida, mbungano eyo Njo limu kusola kunununa. Ndi yeeya cilengano Nco kapa kujatikizya mbungano ya United States a masi ambi.

Ino nkuziyana kwankwela ikwa cizyano cakuliyuumba buniini kwakali kuboneka kuyoosya mbo kwakabede. Pele kubusena bumwi antoomwe Nda kabona kulibonya kwa imwi imbi, ilelekedwe.

³¹¹ Nda lomba, Taata, kuti na kuli bamwi ba baabo muno sunu masiku basalidwe ku Buumi, na bayanda ku Bu tambula, kuti eli liyooba oora ndobayo cicita. Ko cipa, Mwami. Kopwayaula moyo wa bbwe lino, moyo wakaindi wa nyika. Elyo ikuti na bayanda luumuno, ba yanda cintu cimwi eco cikikutya, cintucimwi eco cipa kaanzambwene, akube kuti batambule busololi bwa Kristo sunu masiku kuba sololela ku i-i Luumuno lwiinda kumvwisya koonse, a Lutangalo olo lutaambiki a kuzula kwa bulemu, na akwalo cintucimwi eco lufu lwalo ncolu takonzyi kunyonganya. Ko cipa, Taata.

³¹² Lino, a maanza esu mujulu, Ndabuzya ikuti... Mbangaye mu buyake lino banga baamba buyo, “Ndiyo ima.” Lino, Ta ndikwe makani oyo uukkede muni lyako; Ngu Leza kakwaambila. Elyo cakasimpe uyanda kuba Munakristo. Mwabona? Kufumbwa cintu ciyo... Citakuti oko nkulikozyanisya; oh, Inga ndasala buyo kuzumanana kuya kubusena a kuba mu nyika. Nda syoma inga wacita, a yebo.

³¹³ Lino, kolilingula biyo kwiinda ku Ijwi, kwiinda ku Mulumbe. Kolingula obo Munakristo mbweelede kuba ncobeni: uugalangene, waluyando, kutali umwi wa Bunakristo obu kwasunu. Baa, mbutete, bula bunyone, buwizukide, bubolede, bwaka tintanisigwa. Mwabona, tabuli Bunakristo bwini; bwa kupona musyobo uuli oonse wanzila, a kuzulilwa ku mbungano. Sena uyanda luswaanano olo lubotu a Kristo, Muuya Uusalala, kuti uli... kukozyanya kwa moyo wako wini ku Ijwi, kuya ku busena ncobeni muli Kristo? Ikuti na uyanda eco, alimwi uyanda Leza kubona kwiima kwako sunu masiku moonya mu nkamu eyi ya bantu, ikuti ula cicita buyo.

³¹⁴ Yebo wati, “Sa eco caamba cintu cili coonse, Mukwesu Branham?”

³¹⁵ Oh, iiyi. Masimpe, cila cita. “Ikuti na wasabweeme nkaambo ka Ndime kumbele lya bantu, Njo kuusilabweeme kumbele lya Taata Wangu a Baangelo basalala. Pele oyo uyo Ndi zumina a ku Ndi iminina mu nyika eyi, Njo mwiiminina mu Nyika eyo. Njo mwiminina kumbele lya Taata Wangu.”

³¹⁶ Lino, takukwe makani na nduweni, mwanakazi, mwaalumi, musankwa, musimbi, kufumbwa na nduweni, Munakristo na uutali Munakristo, mukambausi, daikona, kufumbwa mbobede, ikuti na uyo syoma a moyo wako oonse, kwakaindi biyo kaniini, a kucita eci maningi sunu masiku kulekela biyo Leza kuziba kuti uli sinizizye. “Leza...”

³¹⁷ “Lino amu lange, Ndi muna Pentekoste,” yebo waamba. “Ndili obu,” na kufumbwa mbobede. “Nda litaminina kuzyana

mu Muuya. Pele, Mukwesu Branham, Nda kali kuyeeya kuteeti kufumbwa kuti twakali jisi eco, twa kali Ci jisi.” Ta muna pe.

³¹⁸ Ikuti na mula ndisyoma kuba musinsimi wa Leza, amu swiilile ku Majwi angu. Mwabona? Olo ndweeno mu buzuba buno. Sena Bbaibbele tee lya kaamba kuti, “Ciyo tandila kukozyanya loko cakuti ciyo cenga Basale ikuti na cilakonzeka?” I *Basale*, “kushi ku buntu.”

³¹⁹ Pele ikuti na wa kazyana mu Muuya, kocijisi zintu zya nyika, kuli cintu cimwi cilubide. Ikuti na ula kanana mu myaambo; Paulo wakati, “Inga nda kanana a myaambo ya bantu a baangelo, elyo nekubaboobo akwalo kandita futukide.” Uh-huh, misyobo yoonse, mwabona. “Inga ndacita kulimvwa koonse, Inga kandi jisi lusyomo, Inga ndakambauka Makani mabotu, Inga ndapa mbono zyangu zyoonse kusanina bacete, Inga ndatola Ijwi mu masena aa milimo koonse i... elyo nekubaboobo ta Ndili cintu.” Mwabona? Nceeco ca Mukati ka mukati, mukwesu. Kuti... Muuya wako ula zimaana cindi wafwa, ulabweza kuuluka kwawo, pele buntu bwako bulapona. Mwabona?

³²⁰ Lino kolilanga. Cakasimpe, sena uli Munakristo wini wa Bbaibbele, uuzwide luyando lwa Leza? Ko yeeya, Bbaibbele lyakati, mu mazuba aku mamanino ciindi eci caakucitika, Wa kati, “I mungelo uugwala wakainda mu mabungano, wakainda mu miinzi, a kugwala *buyo* abo bakali ku tongela a kulilila cisesemyo eco cakacitwa mu muunzi.” Sa eco cili luleme? Ezekieli 9, tu lizi kuti obo Mbwini. I mungelo uugwala wakaunka a kubikka Caando a mutwe wabo, nkumu, kaba namatika, “Balo abo batongela a kulila.”

³²¹ Kumane eco kwa kaboola baangelo bajaya kuzwa ku mabazu one aa nyika, eco ciboola cakufwambaana, tula cibona ka ciboola, inkondo kazinjila ncobeni ziyo jaya kugwisya nyika yoonse. Taakwe cintu eco cikonzya kuguma pele balo abo baka jisi Caando.

³²² Lino koandaanya... Sena moyo wako ulabikkila maanu maningi kujatikizya basizibi, a nzila mbungano a bantu mbo bali mukucita, mane inga watongela a kulila kujatikizya ncico isikati a masiku? Ikuti na tabuli boobo, Nda gambwa. Olo Ndugwalo.

³²³ Walombwa wiime biyo a kuteeti, “Oyandwa Leza, Ta ndiimvwi nkaambo Mukwesu Branham waamba boobo, pele Nda mvwa Ijwi Lyakwe kwaamba *eco*, elyo Ndiyo cita *eci*. Kuli Nduwe, Mwami, Nda ima. Ndili bulide, Mwami. Sena inga Wa ndipa kubula kwangu sunu masiku awa ku busena buno? Nda ima.” Leza aku longeze. Leza aku longeze. “Ndili bulide, Ndi yanda Nduwe kundi fwida luse.” Leza aku longeze. “Ndi yanda kuba mnyobo wa Munakristo oyo...”

³²⁴ Lino, ko yeeya, muntu oyo wiimvwi muni lyako cintu nciconya mbobede. Ndi yanda kuti utambike a ku jata maanza

abo, kwaamba, “Mukwesu, mucizi, ndi kombele lino. Ndi yanda kuti undikombele. Ndi—Ndi. . .” Ko caamba biyo a kusinizya kwa Bunakristo, “Ko ndikombela. Njo. . . Ndi—Ndi—Ndi yanda kululama kuli Leza. Ko ndi kombela, Ndiyo komba kuti Leza akupe ciindi ceelede.”

³²⁵ Ndi—Ndi lizi kuti tuli. . . Ta tukonzyi kukkala kuno kwa ciindi cilamfu; mwabona eco. Tuli—tuli ku mamanino aa ciindi. Boonse basyoma obo, amwaambe, “Ameni.” [Mbunga yaamba, “Ameni!”—Mul.] Tuli. . . Taakwe cintu cisyeede. Zintu zyoonse zyamana. I mabungano aya ku Nkamu ya zikombelo zyaabunakristo. I nyika, ci. . .

³²⁶ Amulange kuno! Sena mulizi eco Mwami ncaamba kujatikizya Los Angeles a masena aya kuno? “Ili nyonyookede!” Nywebo amuyeeye eco nce Nda kamwaambila, kutandila myaka yobile yainda, nzila munzumo wanyika oyo mbowa keelede kuboola mu Canada kutala kuya, Alaska? Nda mwaambila anywebo kuti “Hollywood a Los Angeles ziyo ndyobokela mu lwizi. California, webu wanyonyooka! Kutali biyo California; pele yebo, o nyika, ulinyonyookede! Mbungano, citakuti walulama kuli Leza, wanyonyooka!” MBUBOBU MBWAAMBA I MUUYA UUSALALA!

³²⁷ Sa mwakasola kundimvwa kubelesya Zina eelyo kunze lyakuti cakacitika? Ndamu buzya! Mwa ndiziba kwa myaka ili makumi obile. Sena Nda kasola ku mwaambila cintu cili coonse mu Zina lya Mwami kunze lya ceeco cakacitika? Ikuti na zintu zyoonse nze Nda kasola ku mwaambila kuti ziyo citika, zya kacitika, amwaambe “Ameni.” [Mbunga yaamba, “Ameni!”—Mul.] Mwabona? Nda mwaambila, lino nde oora, ncibotu mwatalika kululama, toonse swebo.

Lino umwi aumwi akombe umbi:

³²⁸ Oyandwa Leza, mbuli mbo twaima awa sunu masiku, bantu bali mukufwa, masyu esu alanga kunyika, i bulongo. Tuli biyo. . . Wa tupa nkambauko eyi ibambulula, Mwami. Tula bona mukozyano wa bantu bobile. Umwi wabo, kali muntu mukombi, wakaunka ku mbungano pele wakakaka busololi bwa Buumi Butamani. Elyo uumbi wakakaka mpuwo wanyika a *kunyonena* ku Buumi Butamani. Elyo twabona boonse mu ziimo zyabo sunu masiku, kweendelana a Bbaibbele: muntu muvubi ulimu kupenga, nkabela Musa uli mu Bulemu.

³²⁹ Taata, tu yanda kuba mbuli Musa. Tu yanda kweenzegwa a Mwana Wako Uusalala, Jesu Kristo, ku Buumi Butamani. Ko Bu pa ku myoyo yesu sunu masiku, Mwami. Ko zapaula moyo wa bbwe wakaindi; bikka muli ndiswe moyo mupya, moyo wanyama, moyo oyo Ngo konzya ku kananina a kuubeleka, nkabela tatukabi basikamikami na basikancimwa. Akube kuti Muuya Uusalala utazwi, Mwami. Akube kuti Uboole a kukananina bantu aba. Kanana kuli mbabo; kozapaula makanze

abo aa bbwe, a kubikka mukati luyando lwa Leza. Kovuna bantu boonse, Taata. Kotupa luyandisyo Lwako. Ko tutola ku busena, Mwami, cakuti tuyo zwa kuli coonse i—i cibeela cakulimvwa, kuya ku cibeela cini citonkomene ica kulimvwa. . . cibeela cimvugwa ku moyo, kusakana kwa Muuya, buvubi bwa Leza, Bwami bwa Muuya mu myoyo yesu. Ko cipa, O Musololi Mulemu, Muuya Uusalala mulemu, Yebo kotana bweza kuuluka Kwako mu milengalenga a Mbungano Yako.

³³⁰ O Leza, ndilekele nduunke, Mwami. Uta ndisiyi kusule, Jesu. Ndile kele nduunke a Yebo, Taata. Ta ndiyandi kukkala ano aa nyika eyi kubona mapenzi mapati aya ali mukuboola. Ta ndiyandi kukkala ano mu busondosi obu. Ta ndiyandi kwiima ano cindi kuboneka kuyoosya. . . bantu kabali mukusondoka. Tula bona bantu kabasola kulilemeka mbuli banyama a kuboneka mbuli banyama; a banakazi kabasola kuboneka mbuli banyama, a penti ku masyu abo. Mukuziba kuti zintu ezyo zya kaambwa kuyocitika, kuti cintu ciyo, bayo sondoka loko kusikila cisozi ciyobuka a masusu mbuli banakazi kupenzya banakazi; a meno mbuli balavu, a zintu ezyo Nzo kaamba, ciimo cakuyeeya ca bantu ciyo nyonyooka ca kumaninina. Tula cibona mu kubambwa ndyoonya eno, Mwami. Ko tugwasya! Kotuboozya ku muzeezo wakukkwana wa Kristo Jesu Mwami wesu.

³³¹ O Musololi Mulemu wa Buumi Butamani, twa tambula cisyomezyo Cako sunu masiku, Taata. Nda kumbilila bantu aba. Nda kumbilila umwi aumwi wabo, mu Zina Iya Jesu Kristo, Mwami. Nda komba kuti Kristo i Mwana wa Leza uyo boola mu myoyo ya umwi aumwi wesu, Mwami, a kutubumba a kutu bamba kuba zilenge zipya muli Jesu Kristo. Ko cipa, Mwami Leza.

³³² Tula Ku yanda. Elyo tu yanda buyaame bwesu. . . kucinca kwesu kuboole muli ndiswe, cakuti inga twaba bana Bako, kulimvwa kwa Muuya Wako mu myoyo yesu, Mwami, kutumamela a ku tuleta ku kumvwisya kusoolokede kwa bukkalo obu busondokede obo mbo tuponamo. Ko cipa, Leza. Cindi twa bona banakazi bakubusyi kaba jatwa loko muciiimo cikataazya ica dyabulosi, baalumi bakubusyi, mizeezo iipilingene, bana, zitiliba zyamisamu mibi, kufweba misanga yatombwe, kunywa, bwaamu, Edeni ya Saatani.

³³³ Leza, caka Ku tolela myaka iili zyuulu zya cisambomwe, kweendelana a Bbaibbele, ku yaka Edeni. Elyo Wa kabikka mwana Wako a mukaintu wakwe muya (nabwiinga wakwe), kuteeti a yeendelezye. Elyo Saatani wakasika akusaala a kwiipilinganya; waka tola myaka iili zyuulu zili cisambomwe, alimwi wayaka Edeni yakwe iini yabupampu kwiinda muli sayansi, a lwiyo, a butegwa ibupampu, alimwi waiyaka mu lupyopyongano lwa lufu.

³³⁴ O Leza, ko tujosya ku Edeni alubo, Mwami, oko kutakwe lufu, oko kutakwe buusu. Ko cipa, Mwami. Twa ima cabubombe, kulindila Adamu wabili kuti aboolele Nabwiinga Wakwe. Kotu bamba kuba cibeela Cakwe, Taata. Twa komba mu Zina Iya Jesu. Amen.

³³⁵ Sena mula muyanda Leza? Sa inga mwamvwa . . . Sena mula mvwisya eco nce Ndili mukusola ku mwaambila? Ikuti na mulakonzya kumvwa, amu tambike biyo maanza anu, kwaamba, “Nda mvwisya eco ncoli mukusola kwaamba.” Sa mulakonzya kubona busondosi bwa bukkalo obu? Amu lange obo mbo bwesakana, takucikwe akwalo kuyeeya aakati ka bantu. Kuli manide! Nko kuli kwesu . . . ? Abalo basololi.

³³⁶ Amulange ku Muleli wesu! “Ikuti na ba yanda Kkomunizimu, aba itambule. Kufumbwa eco bantu nco bayanda, aba citambule.” Balikuli ba Patrick Henry besu, ba George Washington besu? Balikuli basololi besu abo bakonzya kwiiminina mulao? Ta tuciba jisi pe.

³³⁷ Alikuli mabungano esu, bakambausi besu? Bayo njizya biyo bantu mu ciindi cakusolekwa, na kunjila, kusangana mbungano a kucita *eci* na kuba a kunyanyamukwa kuniini na cintucimwi. Balikuli baalumi abo iba Leza, basinsimi abo bakonzya kwiima a kuba acamba cakubisya, kusampaula zintu zyoonse zya nyika?

³³⁸ Balikuli baalumi abo basimilao yakuli lemeka kabotu? Balikuli no? Ba kateta maningi, alimwi kwiinda mu mizeezo yabupampu a zintu, mane taba ciko kuno pe. O Leza, kotu fwida luse.

³³⁹ Kuboneka oko kuyoosya kuboola aa nyika. Inga wabona nzila bantu ba cinjila ncobeni. Bwalo mbusondosi. Pele cindi eco cintu cauma, Mbungano ino unkide.

³⁴⁰ Leza, tuzumizye kuyo janika. Oyo ngo mupailo wangu ku Cilenge cilemu Ciindakugambya eco cili mu buyake sunu masiku, Kristo mulemu oyo uuci jisi Buumi Butamani. Nda Ku lombwa, Kristo, mbuli mbo Ndili ano a meso angu kajukide, kulanga ku mbungano eyo Njo kanununa a Bulowa Bwako. Leza, uta lekeli umwi wesu kusweeka. Tu yanda kuba a Nduwe ncobeni. Aboobo kotu salazya, O, Mwami, kuzwa ku milandu yesu yoonse. Ko gwisya zibi zyesu a zintu.

³⁴¹ Twa Ku bona koponya balwazi besu, akwalo kubusya bafu besu (kujoka ku buumi kwiinda ku mupailo), alimwi twa bona ezyi zyoonse zintu kazicitika, Taata. Lino ko *tu* josya ku Buumi, kumuuya; ko *tu* josya mu kumvwisya kutonkomene kwa Buumi Butamani kwiinda muli Jesu Kristo. Kopa *eci*, Taata. Nda cituula coonse kuli Nduwe. Mu Zina Iya Jesu Kristo.

Mane tuka swaangane! mane tuka swaangane!
 Mane tuka swaangane ku matende aa Jesu;
 Mane tuka swaangane!


Amulange kuli Nguwe. Amu Mu leke atu bambe kuba batontonzi a basibuuya.

. . .tuka swaangane!

Leza abe a ndinywe mane tuka swaangane alubo!

³⁴² Atu nyamune maanza esu lino:

Mane tuka swaangane! mane tuka swaangane!

Mukwesu Salano, kufumbwa oyo uutobela. [Muntuumwi waamba, “Kuli cintu ciliko cimbi na?”—Mul.] Peepe. Leza aku longezye. 

BUSOLOLI TNG65-1207
(Leadership)

Oyu Mulumbe aa Mukwesu William Marrion Branham wakakambaukwa lutaanzi mu Chikuwa muli Bwabili mangolezya, Nalupale 7, 1965, ku Full Gospel Business Men's Fellowship International banquet iku Covina Bowl mu Covina, California, U.S.A., wakagwisigwa kuzwa ku rekordi yamagnetiki a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa akumwaisigwa aa Voice Of God Recordings.

CHITONGA

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org